

LETŠATŠI LA PHENYO

 Le ka dula ge le rata. Gomme ke nyaka go hlagiša tebogo ya ka go Modimo, bakeng sa monyetla wa go ba mo le go kopana le badudi mmogo ba Mmušo wa Modimo. Ge lena batho le kgobokane ntle mo, mosong wo, ka legaeng la ngwanešu yo, go—go ba le kopanelo mmogo, go mohuta wa go nkogopotša ka ga Kereke ya pelepele. Tsela ye Bokriste la mathomo bo thomilego, e bile, Beibele e rile, “E be e le go tloga ntlong go ya ntlong. Ba kopane gomme ba ngwatha senkgwa ka pelo e tee.” Gomme seo ke se re nyakago go ba le sona mosong wo, ge re sa le mo, ke botee bja pelo, morero o tee.

² Selo se tee—se tee seo re lekago go se fihlelala, gomme, seo ke, go phethagatša polane ya Modimo bakeng sa maphele a rena, ge re sa le mo lefaseng. Gomme mohlomongwe, mohlomongwe, Modimo, mengwaga ye dikete tše ntši ya go feta, eupša Yena ke, ka bohlale bja Gagwe bja tlhokamagomo, o tsebile gore re tla ba fa mosong wo, gomme o tla ba morago mo ka molaleng wo, goba—goba leganateng mo, ka moagong wo monnyane. O tsebile seo mengwaga ye dikete ya go feta.

³ Bjale, re kopane le ba bangwe ba bagwera ba rena bao ba bego ba etla godimo mosong wo go tšwa Tucson, lapa la Stricker. Gomme ba bile le tšenereita go ya gampe ka koloing ya bona. Re kgobokeditše se re kgonnego go se hwetša, go ba tliša mmogo, mohumagadi mo le ba—ba bana. Gomme ba tla pele, moragwana gannyane, ge ba ka kgona go lokiša tšenereita ya bona. E be e le makopano a ditsela a mannyane ntle mo. Ga ke tsebe mo e bego e le. Eupša re thabile go ba fa.

⁴ Gomme bjale, Ngwanešu Isaacson fa, gomme ga re tsebane seng, go no se fete gore re tseba gore re banešu ka go Kriste. Gomme re bile le dinako tša kopanelo mmogo. Gomme ke a dumela kopano ya rena ya mathomo e bile ka... godimo ka Phoenix, mengwaga ya go feta. Gomme ge mosadimogatša wa gagwe a le gona, nka se mo tsebe. Bjale, ke ka fao re tlwaelanego gabotse, go tseba mosadimogatša wa gagwe ke mang, goba lapa la gagwe.

⁵ Go tleng ka gare ke kopane le yo mongwe wa baena ba rena ba makhalate a eme mojako, moisa yo mokaone kudu ka go šišinya seatla, le a tseba, o go dirile mohuta wa go ikwela boka o be o nno amogelwa kudu, le a tseba, go tla ka gare, le—le go ba magareng ga lešaba le ka mokgwa wo mosong wo, gomme Le mpha monyetla.

⁶ Gomme bjale, ke bile le monyetla wa go bolela ka go mafelo a mantši a go pitlagana, moo ba ka bago le mohlomongwe dikete atiša ka dikete tša batho ba bego ba tla kgobokana. Eupša

ke . . . Digopotšo tša bodiredi bja ka di atiša ka mokgwa wo, ge mohlomongwe go le tasene, goba tše pedi, di dutše mmogo, go bonala o ka re Modimo o šoma kgauswana le batho. Ke nagana re ikwela go tlwaelana kudu, gomme—gomme ge re kgobokane ka go kgobokano ye nnyane. Go bonala o ka re fao Lentšu la Modimo le bonala kudu—kudu go rena, ke ge re, O rile, “Kae kapa kae ba babedi goba ba bararo ba kgobokanego Leineng la Ka, fao Ke magareng ga bona.”

⁷ Bošegong bja go feta, kgauswi le bošegogare, ke be ke sa nno kgobokana le . . . ka legaeng moo go bego go le monna le mosadimogatša wa gagwe, gomme mosetsana yo moswa, o be a lahlegelwa ke monagano wa gagwe, godimo ga taba ye nnyane yeo e diregilego. Gomme ge re sa . . . re kgobokane mmogo, feela mohumagadi yo moswa le nna, ka kamoreng, gobane dilo tše di bego di swanetše go bolelwā, tše di bego di le, ke bone bokaone gore re be mmogo. Gomme go tlie Seetsa se fao, Morongwa yo wa Morena, gomme a kgobokana thwi bokagodimo fao re bego re le gona, go laetša gore—gore Modimo o boloka tshepišo ya Gagwe.

⁸ Gomme maabane, moo go bego go le lesogana la mengwaga ye masomepedi pedi bogolo, la lapa la go tsebalega kudu, gomme o be a swerwe ke mabora, gomme mabora a wetše godimo ga gagwe. Gomme ba bantši lena ba bagolo le tseba se seo se lego, gagolo ka go monna. Banna, ka kgonthé go no nyaka go ba bolaya. Gomme mošemane yo, lebaka la matšatši a mmalwa, thwi mo dibekeng tše pedi, o be a kitima letadi la lekgolo le tlhano. Bjale, le a tseba seo se ka seemong sa strouku fale. Gomme dingaka gabonolo di nno šomiša tšohle ba bego ba na le tšona, ka diphenisiline le se sengwe le se sengwe, go ratha letadi lela bakeng sa tshwaetšo yeo. Eupša go bonagetše o ka re ga se e be le maatla a a itšego. Eupša ka go nako ya motsotso o tee pele ga Modimo, tshetlana ye nngwe le ye nngwe ya letadi e tlogetše lesogana. O tsogile, a fodile. Gomme go no ya go laetša Motho yo mogolo ke Kriste.

⁹ Seo ke se re lego mo, mosong wo ka legaeng le, ke go direla Kriste, godimo ga letšatši le la sabatha.

¹⁰ Ke lebeletše pele go nako ya go tla mo, go kopana le ngwanešu yo bohlokwa wa rena, le lena batho. Ke amogetše dikarolo tša lesome tša lena tše ngwanešu a nthometšego, makga a mantši, go tšwa go kgobokano ye nnyane ye ntle mo. Gomme mahumo a mabjalo ka ao, ke a swara bokgethwa kudu go sephedi sa ka mong, gobane ke a tseba gore ke swanetše go araba letšatši le lengwe go tšwa moo e ilego go tloga fao. Gomme ka kgonthé ke nyaka go leboga, go leboga, le go nyaka go hlagiša go leboga ga ka ga potego ya lena batho, ka—ka monagano wo woo le o dirilego, go tsebeng gore dikarolo tša lesome tše le nago le tšona. Gomme go kopana ka dintlong ka mokgwa wo gomme, efela, go nyaka bonnyane bjo o swanetšego go bo sepela, bokaonekaone bja tsebo ya gago, go thekgo ya—ya bodiredi. Ka

gona, go tloga fao go ya pele, ke swanetše go ba le boikarabelo ka yona. Gomme ke nyaka go ba mohlokomedi yo botse go Morena wa rena, gomme ge ke swanetše go araba ka Letšatši lela, bakeng sa se re se dirilego lefaseng.

¹¹ Bjale, go ne selo se tee, morago fa ga re tshwenywe bontši kudu ke go rora ga sephethepheth, gomme seo ke se sebotse.

¹² Gomme kafao bjale, ke no se tsebe ke bolele bjang se, eupša ke duma ge nkabe re swere tsošeletšo morago fa, moo re nago le matšatši a mmalwa a yona. Gobane, ka tsela ye, o no tla ka gare gomme wa re, “Go bjang? Ke thakgetše go kopana le wena,” le go bolela dinakwana di se kae ka Morena, gomme o ile gape. Ke swanetše go ba ka Tucson ka masometharo a tee. Gomme ka fao e . . . Re no kopana fa ka mokgwa woo, le go šikinyana diatla seng sa rena, le go re, “Go bjang? Ke thakgetše go ba ke kopane le wena,” gomme wa tloga.

¹³ Eupša, le a tseba, ke nagana ka Letšatši ge re tla kopana moo re ka se rego šalang gabotse. Re ka se re, “Go bose go go bona. Ke a holofela o tla morago gape.” Moo, re tla bala fa mohlomongwe diiri tše mmalwa mmogo. Kua re ka kgona, re ka no dula fase le go bolela lebaka la mengwaga ye milione, ge go na le selo se se bjalo bjalo ka nako, gomme re ka se—re ka se be nako e ka ba efe ye nnyane go feta e bile ge re dula fase. Le a bona? E no ba Bokagosafelego. Ga go—ga go mafelelo go bjona. Gomme go nagana ka nako ye re lego ntle, le ka mokgwa woo, gomme ge re tla sepela go theoga go kgabola mekgoba ya paradeisi ye kgolo ya Modimo, gomme Barongwa ba opela dipina.

¹⁴ Gomme—gomme bjale ke nako moo re swanetšego go—go lwa, go thopa ntwa, le go fenza dilo tša lefase.

¹⁵ Gomme Kua, gabotse, go ka se be le ntwa ye e itšego Kua. Thapelo ya mafelelo e tla dirwa; ba ka se sa swanelo go ba le dikopano tša thapelo gape. Go ka se sa ba lefelo go batho go phološwa. Go ka se be bolwetši go fodišwa. Gomme e tla no ba selo se tee se segolo sa letago.

¹⁶ Gomme re ka kgona eng bjalo ka batho, mosong wo, ke eng—ke eng re ka e tshepišago? Re ka kgona go lebelela eng kapa eng e ka bago ye kgolwane go feta go lebelela go tshepišo yela ya nako yeo. Le a bona?

¹⁷ Re nagana ka . . . mo ke lebeletše go go fetoga ga mengwaga, go tloga go masea a mannyane a anywago difarong tša mmago ona, go ya go bašemane ba bannyane ba sekolo, basetsana le bašemane ba mahlalagading, gomme morago mengwaga ya magareng, gomme morago mogolo. Le a bona? Gomme mo—mo mošemane wa sekolo, ngwaga wa go feta o be a le difarong tša mmagwe, lesea le le anywago. Le a bona? Gomme batšwamahlalagading ba tsene sekolo feela ngwaga wa go feta, go bonagetše. Gomme mengwaga ya magareng e be a le mengwaga ya mahlalagading. Gomme morago botšofadi.

Feel... Oo! Le a bona? Go no swana le moyameetse wo o fofago ka lefaseng gomme wa wa. Salomo o rile, ke a dumela e be e le, "Go swana le letšoba. Le a tsoga, gomme morago le a ripša, gomme le a senyega." Gomme re—re nyaka go holega ka nako ye re lego mo.

¹⁸ Kafao bjale a re boleleng le Yena, bjale, ge re inamiša dihlogo tša rena ka thapelo.

¹⁹ Gomme ge go ka ba e ka ba mang fa yoo a ka ratago go gopolwa ka thapeleng, mohlala, go swana le go babja, goba go ba le tlhoko, ge o ka no e dira e tsebje go Modimo ka pelong ya gago, o re, "Bjale, Morena, ke tsene, go—go kgopela ka go kgopelo ye." Gomme ge o ka no, gore ke tsebe, mohuta wa, ge o ka no phagamišetša seatla sa gago godimo, gomme feela, ka mokgwa woo, e re, "Nkgopole." Morena a le šegofatše kudu.

²⁰ Ramaatlakamoka Modimo, Yo a bopilego magodimo le lefase, ka Lentšu la Gago, re kgobokane fa mosong wo go bolela ka Lentšu le, le ka Yena yo mogolo Yo a lego Lentšu.

²¹ Re a Go leboga bakeng sa monyetla wo mobotse wo go tleng morago ka lehlakoreng la morago la leganata. E be e le fao letšatši le lengwe fao sethokgwa se se tukago se bego se goga šedi ya moprofeta yo a bego a tšhaba. Gomme fao o ile a rongwa ka boswa, gomme a rongwa, yo a bilego molokolli yo mogolo wa batho ba letšatši leo, ba bohwa bja Modimo bjo bo bego bo le ditlemong. O Modimo yo mogolo, a O ka se tle ka morago ga leganata mosong wo le rena? Bjalo ka ge re tseba, O ka go dikhateterale tše kgolo, le go dikologa lefase. Eupša go tsebeng gore O Modimo mohlokamagomo, gomme ga go lefelo le lennyane kudu, goba ga go lefelo, goba, ga go kgathale re phatlaladitšwe gabotse bjang go kgabaganya sefahlego sa lefase, efela Wena o motlalagohle, o kgona go ba mogohle dinakong tšohle. Re leboga Wena bakeng sa se.

²² Gomme ka go kgobokano ye mosong wo, re a Go leboga bakeng sa ngwanešu wa rena le—le mohlape wa gagwe wo monnyane fa, le ka tlhohleletšo ya bona le potego go Taba ya Modimo ka lefaseng lehono, gomme re kgopela ditšhegofatšo tša Gago godimo ga bona. Gomme a nke, ge feela go na le pelo ye e kganyogago bakeng sa Kriste, a nke ka mehla go be motseta felotsoko go fa, go tliša Molaetša go pelo yela e swerwego ke tlala.

²³ Gomme re a rapela, Tate wa Magodimong, bakeng sa tlhoko ya batho bao ba phagamišago diatla tša bona feela bjale. O tseba se se bego se rethetha ka tlase ga seatla sa bona, go dikologa pelo ya bona. Ba bile le tlhoko. Ge e le bolwetši, Morena (Wena Yo a tšerego Paul Sharrit yo go sa tšwago go bolelwa ka yena e no ba taba ya diiri tša go feta, ge a be a robetše gare ga lehu le bophelo, ka letadi la go galefa leo saense yohle ya dihlare e bego e sa kgone go le emiša, gomme efela lentšu le tee le lennyane

la thapelo le emišitše letadi ka pela; Wena o Jehofa Modimo), go laetša gore O nno emelwa gabotse, gomme feela wa nneta lehono, mo ka lehlakoreng la morago la leganata le, bjalo ka ge O be o le matšatšing le Moshe ka lehlakoreng la morago la leganata kua.

²⁴ Re a Go leboga, gobane ke a tseba gore O tla kwa thapelo. Gomme re tla go Wena ka boikokobetšo kudukudu le ka tlhokofalo kudukudu, go tsebeng gore go tla ba phošo go Go kgopela dilo tše re no go eleletša ka monaganong wa rena. Re nyaka go ba le tiišetšo le kgonthekgonthe, gore se re se kgopelago, re swanetše go se dumela, gomme—gomme—gomme re tsebe gore ke thato ya Modimo go re fa sona, gobane re se rarollotše ntle ka dipelong tša rena, le tšohle re di tsebago, Morena.

²⁵ Kafao, ke a rapela gore O tla fodiša motho yo mongwe le yo mongwe a babjago a lego fa mosong wo. Pholosa yo mongwe le yo mongwe yoo a lahlegilego. E fe. A nke se sengwe se bolelwe goba se dirwe lehono, seo se tla ba dirago, ka lefelong moo ba dutšego, goba go ema go dikologa maboto, goba e ka ba kae go ka bago, gore tumelo ya go kgwaparetša ya Modimo e tla sepelela ka dipelong tša bona gomme seo se tla e ruma, gatee ya ba moka. E fe, Tate.

²⁶ Šegofatša ngwanešu yo a re dumelitšego go ba le legae mo bakeng sa tirelo.

²⁷ Bjale bolela le rena ka Lentšu la Gago, ka gore ke ka baka leo re lego mo, Morena. Re rata go kopanela seng sa rena, eupša efela ke Wena yo re mo nyakago, Morena. Re ka kcona go ya ntle ka tlase ga mehlare felotsoko le go dula fase le go boledišana seng. Eupša, fa, re kgobokane go hwetša go ratwa ke Wena. A O ka se kopane le rena bjale, Morena? Re butše setulo ka pelong ya rena, gore O tla bewa teroneng lehono, go bolela le rena, le go re botša ka dinyakwa tše re nago natšo, gomme lerato la Gago le hlagišwa go rena ge re hlagiša lerato la rena go Wena. Se re se kgopela ka go la Jesu Kriste Leina. Amene.

²⁸ Fao, ge go na le yo mongwe morago ka kua, yo a nyakago go dula fase, ke bona ditulo tše dingwe mo, gore le kgone go kgobokane, gomme le nyaka go iketla kudu.

²⁹ Bjale, dinako tše re phelago ka go tšona ke dinako tše kgolo. Gomme maabane, ge ke be ke sa nagana ka se ke bego ke tla se bolela lehono, ke tseba gore ke lebeletše pele go tla tlase mo, gomme ke tla reng ge ke etla tlase, kopano ye nnyane ya thapelo? Gomme ke kgopetše Morena go nthuša. Gomme—gomme ke topile dinoutse di se kae ka Lengwalo mo, tše ke nyakago go di hlagiša go lena batho mosong wo, ge re sa letile bakeng sa ditšegofatšo tša Morena.

³⁰ Gomme re a rapela bjale gore o tla bula pelo ya gago le go kwešiša go gonyanye, go kokota go gonyanye ga fasefase ga Kriste mo pelong. Elelwa, wena, ge o se modumedi, gomme o se

wa ke wa amogela Kriste le bjale, se e tla ba selo se sebotsebotse seo se kilego sa direga go wena, e tla ba go kgobelwa ka legaeng le mosong wo, gore ge go kokota fao go etla pelong ya gago, ge o ka go amogela, ke mojako go ya Bophelong. Go go gana ke lehu. Gomme ke ka lebaka leo re lego fa mosong wo, go go laetsa gore go mojako wo o bulegilego go modumedi yo mongwe le yo mongwe yo a ka kgonago go dumela.

³¹ Bjale ke nyaka go bala go tšwa go Puku ya Kutollo ya Jesu Kriste, tema ya 15. Ke nyaka go bala karolo, ditemana tše nne tša mathomo tša tema ya 15 ya Puku ya Kutollo:

Gomme ke bone leswao le lengwe legodimong, le legolo le go kgahliša, barongwa ba šupago ba swere... dikotlo tše šupago tša mafelelo; ka gore ka go tšona go tletše ka bogale bja Modimo.

Gomme ke bone se e kego e be e le lewatle la galase le hlakane le mollo: le bona ba ba hweditšego phenyo godimo ga sebata, le godimo ga seswantšho sa gagwe, le godimo ga leswao la gagwe, le godimo ga palo ya leina la gagwe, ba eme godimo ga lewatle la galase, ba swere... diarepa tša Modimo.

Gomme ba opetše koša ya Moshe mohlanka wa Modimo, le koša ya Kwana, ba re, Mediro ya gago ke ye megolo le go kgahliša, Morena Modimo Ramaatlakamoka; ditsela tša gago ke tša toka le go rereša, wena Kgoši ya bakgethwa.

Ke mang a ka se go boifego, O Morena, gomme tagafatša leina la gago? gobane wena o nnoši o yo mokgethwa: gomme ditšhaba tšohle di tla tla le go rapela pele ga gago; gobane dikahlolo tša gago di dirilwe go bonagatšwa.

³² Gomme ge Morena a rata, ke rata go tšeа hlogotaba go tšwa go yeo, go e bitša letšatši la-P, *Letšatši La Phenyo*, ge re swantšha yeo, phenyo ye e feletšego.

³³ Batho ba, bao ka go tema ye re...sa tšwago go e bala, ba sa tšwa go hwetša phenyo. Ke nagana gore lentšu phenyo ke lentšu le legolo ka leleme la Seisimane. Go ra gore o—o fentše lenaba, gomme o fentše, gomme o mofenyi o swere phenyo. Gomme re opela dipina le go hlalala ka phenyong. Gomme fa re hwetša gore go be go le se sengwe, batho ba ba tlie go lewatle le la galase, le hlakanego le mollo. Gomme ba hweditše phenyo godimo ga sebata, godimo ga seswantšho sa gagwe, godimo ga leswao, le letere ya leina la gagwe. Dilo tšohle tše, ba be ba hweditše phenyo godimo ga tšona, gomme ba be ba le bafenyi ba eme ka lehlakoreng le lengwe, godimo ga lewatle la galase le hlakanego le mollo, ba opela dipina tša tumišo go Ramaatlakamoka Modimo.

³⁴ Bjale, go bolela ka phenyo le letšatši la-P, le go ya pele, e re tliša morago go kgopoloo ya ntwa, ge re nagana ka letšatši la-P. Gobane, feela e se kgale, mo mengwageng e se mekae ya go feta, re tlide go le—le—le letšatši leo re le biditšego letšatši la-P, ya ntwa, moo ba hweditšego phenyo godimo ga lenaba. Gomme go befile kudu gore re swanetše go e nagana, eupša lefase le kolobišitšwe ke madi a motho ge e sa le go tloga ka madi a moloki Abele.

³⁵ Madi a mathomo a motho go ratha lefase e be e le moloki Abele. Gomme yena, lebaka a ilego a swanela go tšholla madi a gagwe, e bile ka baka la gore o be a lokile le Modimo. Gomme Modimo o be a amogetše poelano ya gagwe—ya gagwe ye a bego a na le yona, ka tumelo o neetše go Modimo, kwana ye.

³⁶ Gomme ngwanaboo wa mona, ka go mo tsebafela, o bolaile Abele wa moloki. Gomme lebaka leo la go swana le dirile, feela e ka ba, le hlotše go tšhollwa ga madi ohle a motho godimo ga sefahlego sa lefase. Gomme lefase la kgale ka nnete le kolobišitšwe ka ona, gohole go kgabaganya lefase, madi a motho. Re... Go na le lebaka bakeng sa seo. Go na le lebaka le rilego gore ba tla ba, gore madi a a motho a tšholotšwe. Gomme re hwetša gore lebaka la mathomo e bile ka lebaka la mona, gore—gore Kaine o be a na le mona ka Abele ka baka la gore Modimo o amogetše sehlabeledo sa Abele. Gomme Bahebere 11 e re botša gore—gore—gore, “Abele o neetše go Modimo sehlabeledo se sekaonekaone kudu go feta sa Kaine, gomme Modimo a paka ka sona.” Gomme Kaine, nnete, a na le mona ka se, gobane sehlabeledo sa gagwe se gannwe, gomme sa Abele se amogetšwe. Gomme Abele o dirile se ka tumelo. Beibele e boletše gore o dirile se “ka tumelo.”

³⁷ Go boneng gore—gore, bašemane ba babedi ba leka go hwetša kgaogelo le Modimo, go tla morago, gobane ba a tseba gore ba be ba no ba bonanana go tšwa serapeng sa Bophelo. Gomme ba be ba wetše, ka lehlakoreng le lengwe, ka karogo ya batswadi ba bona, ba bile ba go bušwa lehu; feela boka bohle re ema, mosong wo, re ba go bušwa ke lehu. Gomme ba be ba nyaka go tseba ka fao ba ka boelago morago ka go lefelo lela moo ba ka hwetšago Bophelo gape. Gomme, go direng bjalo, ba—ba be ba leka go hwetša kgaogelo le Modimo.

³⁸ Gomme Kaine o neetše sehlabeledo se sebotse sa matšoba le dikenywa tša tšhemo, goba e ka ba eng a bilego o e beile godimo ga aletara.

³⁹ Eupša Abele, ka kutollo ya semoya, e utolotšwe go yena gore e be e se kenywa ya tšhemo ye e hlotšego lehu. “E bile madi ao a hlotšego lehu.” Kafao, o neetše morago madi a kemedi ya go hloka molato, gomme Modimo o e amogetše. Gomme seo e bile seloba sa Modimo bakeng sa dibe tša rena, ge e sa le go tloga lona letšatši leo. Ga go tsela ye nngwe, gobane ge A amogetše

go motheo e ka ba ofe wo mongwe, gona re swanetše go tla go motheo woo, go ba, go hwetša go ratwa ke Modimo. Eupša Modimo o amogetše feela madi a go hloka molato a wa go bušwa. Le a bona?

⁴⁰ Gomme kagona, ge bobotse le mafelo a magolo a ka be a bile kamogelo ya Modimo, lehono re be re ka . . . Re ka be re maketše, “A O be a ka tla morago ka lehlakoreng la morago la leganata, go legae le lennyane le le dutšego mo kgauswi le seporo sa tsela ya ralawene? A O be a ka tla morago mo le go kopana le rena?” Eupša ge e be e le khatheteterale ye kgolo, goba bobotse bjo—bjo Kaine a bo neetšego, gobaneng, re be re tla hwetša re be re tla no be re bolela le renabeng, le go moyo.

⁴¹ Eupša Modimo o tlide godimo ga motheo wa madi a a tšholotšwego. Kafao, ga go kgathale, lehono, re ba bannyane bjang, re diila bjang, goba re rata go ba bontši gakaakang, go neela go Modimo lefelo le legolwane, eupša Modimo o be a ka se e amoge, go no swana le ge A ka dira gonabjale, ka gore re tla godimo ga motheo wa Madi a a tšholotšwego a Kemedi ya go hloka molato, e lego Kriste a hwela rena badiradibe.

⁴² Bjale, lebaka leo Madi a a tšhologilego, ke ka gobane, ke a dumela, gore motho o nyaka go . . . Modimo o laletša motho go lebelela, eupša motho o nyaka go—go ipontšha yenamong. Motho o nyaka go lebelela se Modimo a lekago go mo laetša, motheong wa kgopolo ya gagwe—ya gagwe mong ka sona. Le a bona? Modimo o leka go bontšha motho se sengwe, eupša motho o nyaka go se amogela godimo ga se a . . . ka tsela ye a se lebelelagi.

⁴³ Eupša go no swana le e ka ba mang a nyakago go bontšha tiragalo. Go swanetše go ba lebaka go bontšha tiragalo ye. Fao go . . . Ge o re, “Lebelela mošola ka thabeng,” bjale go na le se sengwe fale seo se rathilego šedi ya gago, seo o lekago go nkgopela go lebelela go thaba yela. Le a bona? Goba, “Lebelela mohlare wo,” le a bona, go ne selo se sengwe fao ka mohlare se o nyakago ke se bona.

⁴⁴ Bjale, Modimo o leka go dira motho go lebelela go Kemedi yela ya go hloka molato bakeng sa tsela go ya morago. Gomme motho o nyaka go e lebelela ka tsela ya gagwe mong. Ga a nyake go bona se Modimo a lekago go mo laetša, ka go Kemedi ye ya go hloka molato. Kagona, seo ke se se hlotšego bothata. Ka gona, ge motho a dira, bjalo ka ge go bile, o topa digalase, go bogela bokgole bjo botelele, go bona se Modimo a lekago go mo laetša, o sitwa go tsepamiša digalase tša gagwe gabotse.

⁴⁵ Mo tseleng, e sego telele go fetile, go tla go tšwa leetong godimo ka dithabeng, yo mongwe o ile a bolela, “Mo, tšea digalase tše gomme o lebelele godimo *mo* go selo se se itšego.” Gabotse, ke topile digalase. Ke bone dilo tše tharo goba tše nne tša go fapania. Bjale, le a bona, ke tsebile gore go be go le se sengwe sa phošo ka seo. Le a bona? Bjale, tholo ye e eme ka

tšhemong, go bonagetše e le tše tharo goba tše nne tša tšona di eme mmogo. Bjale, se e bego e le sona, tholo e be e no ba tholo e tee ka phethagalo. Galase e be e lokile. Eupša se ke bego ke swanetše go se dira, e be e le go goga setsepamiši sela go fihla ke tliša ditholo tšohle tše tharo go e tee, le go dira tholo e tee. Le a bona? Gomme ka gona seo . . . Le a bona, ka morago ga ka, ke tsebile go be go le . . . go ba tholo e tee, gobane seo ke se ke se boditšwego. Eupša go topa galase le go lebelela go e kgabola, ke bone, ka re, ditholo tše tharo di eme fale. Gabotse, galase e be e tšwele tsepamong. Ke—ke swanetše go tsepamišetša galase yela morago ponong, go fihla ke e fihliša lefelong moo ke bonago tholo e tee. Gomme nako yeo galase e e gogela kgauswi go lekanelo go nna go fihla ke kgona go bona se e bogegago boka sona.

⁴⁶ Bjale, Modimo o re fa Beibele. Bjale, Beibele ke Lentšu, gomme Lentšu ke Modimo. Kafao, yeo ke diferekeikere tša rena. Ke digalase tša rena. Eupša, ka gona, ge re eya go lebelela ka Beibeleng, le go boneng ditsela tše nne goba tše tlhanoo tša go fapano, gabotse, e hloka go tsepamišwa, le a bona. Gomme re—re swanetše go tliša selo ka lefelong moo re bonago morero wa go ikgetha wa Modimo.

⁴⁷ Eupša motho o nyaka go thoma mokgatlo, go kitima ka tsela ye. Gomme yo mongwe o nyaka go, “Gabotse, ga ke . . . Ke nagana nka ba moisa yo mogolwane go mo feta, kafao ke tla thoma godimo fa. Re tla ruta bašemane ba rena bokaonana, gomme re tla dira se le go ya pele.” Le a bona? Bo šitwa go tsepamiša galase. Modimo o ba nyaka ba bone selo se tee, gomme seo ke Madi a go hloka molato ao a tšholotšwego bakeng sa dibe tša bona. Seo ke tlwa. Seo ke selo sa kgontho, ga go kgathale. Ga re hloke mokgatlo. Ga ke na le selo kgahlanong le yona, feela ba . . . tshenyo ye e e dirago, go gogela batho ntle le go aroganya boena le dilo.

⁴⁸ Eupša re no hloka go lebelela go selo se tee, gomme seo ke Kemedi ya rena. Yeo ke nnete. Gomme Kemedi yeo ke Jesu Kriste.

⁴⁹ Gomme ka gona lehono le bona ka fao re phetlegilego ka go mekgatlo. Gomme ba re, “Mamethodist ba na le tsošeletšo. Nnete, seo ga se re Mabaptist. Bao ke Mamethodist. Gomme ba ba na le tsošeletšo, le go ya pele.” Gomme ba—ba kgaotše moisa yo mongwe, nako yohle. Eupša ga re nyake go e bona ka tsela yeo.

⁵⁰ Re nyaka go tšwelapele re goga setsepamiši sela go fihla re hwetša gore go ne Modimo o tee. Ge o bona ba bararo ba bona ntle kua, bokaonana o no tsepamiša galase bokaonana gannyane. Le a bona? O—o bona se sengwe sa phošo. Kafao bokaonana o se tliša ka gare, gomme o hwetše go ne Modimo o tee ka godimo ga rena bohole, gomme Yena ke Modimo wa moloko wa motho.

⁵¹ Gomme ge A le Modimo, gonagona, O ne kgahlego ka go motho yo mongwe le yo mongwe, gobane ke tlholo ya Gagwe.

Gomme O na le kgahlego ka go bana. O na le kgahlego ka go botšfadi le mengwaga ya magareng. O ne kgahlego ka go me—me mebala ya rena, le ba bašweu, ba batsotho, ba baso, ba—ba serolwana, meriti ya go fapania ya matlalo a rena go tšwa nageng ye re tšwago go yona le botatemogolo ba rena. O ne kgahlego ka go rena bohole. O no se be le kgahlego ka go Bajuda, ba nnoši, goba ka go—goba ka go morafe wo moserolwana, morafe wo moso, morafe wo mošweu, e ka ba eng e lego.

⁵² O na le kgahlego ka go moloko ka moka wa batho, le go leka go dira moloko wa batho go beaponong Lentšu la Gagwe fase go selo se tee, le go re, “Go Modimo yo motee, gomme Modimo yoo o fa Kemedi ye e se nago molato, ka go tla; a ba, Yenamong, Motho, gore a tloše sebe, go phološa moloko ka moka wa batho.” Johane mopropeta o swantšhitše gabotse kudu, “Bonang Kwana ya Modimo, yeo e tlošago sebe sa lefase,” mang kapa mang. Bothata ka moka bja sebe bo rarolotšwe thwi fao ka go Kemedi e tee yela ya go hloka molato.

⁵³ Eupša ge motho a thoma go swara diferekeikere tša Modimo mo, o—o thoma go . . . O lebelela bontši kudu bja tlhago, o šitwa go bona tirišo ya semoya yeo Lentšu le e fago.

⁵⁴ Bjale, le a bona, seo ke se sengwe sa dilo tše kgolo tše motho a di dirago ge a leka go lebelela, gobane o lebelela boka Kaine a lebeletše ka digalase. O lebeletše go phi—phi phihlelelo ya sebele. Kaine o naganne, “Bjale, ge nka kgona go ntšha Abele tseleng, gona ke nna ke nnoši. Ka gona, le a bona, fao, moisa yo mongwe o tšwele tseleng.” Seo ke se motho a lekilego go se dira, go theoga go kgabola mengwaga, ke go leka go ntšha moisa yo mongwe tseleng.

⁵⁵ Mola, a swanetše go be a leka go tliša moisa yo mongwe ka tseleng le yena, le—le go ba ngwanešu, le a bona, sebakeng sa go leka go re, “Oo, sehlopha sela se sennyane, go no ba gogolela ntle. Gomme se godimo *fa*, oo, gabotse, ke bona *se*, goba *sela*.” Le a bona? Ga ra swanela go dira seo. Re swanetše go be re leka go tliša selo ka moka go seswantšho se tee—se tee sa go tia, gomme seo ke Jesu Kriste.

⁵⁶ Mohumagadi yo moswa, bošegong bja go feta, ka go poledišanonyakišo, o rile . . . Eupša o rile . . . Morwedi wa modiredi o bile le mohuta tsoko wa taba ye nnyane ya lerato, gomme—gomme o lahlegetšwe ke monagano wa gagwe ka yona. O ile, go phuhlama. Mosadi yo moswa yo mobotse kudu, gomme a ka ba bogolo bja mengwaga ye masomepedi tharo.

⁵⁷ Gomme ge a be a le mosetsana yo monnyane, wa e ka ba lesomepedi, o be a le ka Chicago. Gomme ke dutše ka kopanong . . . Goba, Elgin, e be e le. Gomme a dutše ka kopanong, Moya wo Mokgethwa o ile ntle go kgabola batheeletši le go mmitša, o be a le mang, gomme o rile, “O na le pelo ya go ngunanguna. Ngaka o re o ka se kgone go phela go fihla bogolo

mengwaga ye lesometlhano bogolo. Eupša, O RIALO MORENA, o fodile.” Gomme ebole ga se nke—ga se nke a ke a ikwela bothata bja pelo, ge e sa le.

⁵⁸ Gomme bošegong bja go feta o bile le mohuta wa go fapanwa bothata bja pelo. E be e le bja semoya, bothata bja pelo. Moratiwa wa gagwe o be a tšhabile gomme a nyetše mosadi tsoko yo mongwe. Gomme, efela, o be a sa le ka leratong. Gomme mošemane yo a bolela gore o be a le leratong, efela, le yena, gomme “tatagwe o e hlotše.”

⁵⁹ Ke rile, “Oo, ditšiebadimo. O be a se a swanela go nyala mosetsana yo mongwe. O e dirile ka gobane o šitilwe go ba le mohuta wa nnete wa lerato go wena.” Seo ke tlwa.

⁶⁰ Eupša, le a bona, ka go tatagana gohole ka go seo, mosetsana o dutše fale ka go—ka go sa go kobega bjalo, boka. Gomme o rile, “Oo, ke a tseba Johnny o a nthata. Ke a tseba.” Le a bona? Seo ke sohle a kgonnego go se bona. O phetše ka go lefase le lennyane lela, ka boyenamong, o ipopile yenamong ka kua.

⁶¹ Gomme ke ile ka swara seatla sa gagwe. Ka re, “Ntheetše.” Gomme Morena o bontšitše pono, le a bona, yeo a tsebilego ga se ke tsebe selo ka ga yona, gore se sengwe se diregile, tiragalo tsoko magareng ga bona. Gomme ge seo se boletšwe, nako yeo seo se mo thuhlutši thwi ka pela. Ke rile, “Bjale, ge o le ntle ga fao, lebelela Khalibari. Fao, o ya ntle mo gomme wa thoma go leka go nwa, gomme morwedi wa modiredi, morwedi wa modiredi wa Pentecostal, le go dira dilo tše o di dirago, go leka go nweletša manyami ale; monna yola, gomme yo mongwe yo a sa tshwenyegego mothwanyo wa monwana wa bona bakeng sa gago.” Ke rile. “Lebelela mošola Khalibari, mosetsana. Yeo ke tsela e nnoši morago.”

⁶² Re swanetše go itira renabeng go tsepamišwa go fihla, ge eba re a phela goba re a hwa, go sobelela goba go nwelela, ke Khalibari, Kriste. Seo ke selo se Modimo a nyakago re etla morago go sona.

⁶³ Gomme banna, ka go tsepamo ya Lentšu la Modimo, sebakeng sa go Le tliša mmogo le go Le dira le bolele selo se tee seo Modimo a Le dirago le se bolele, re lebelela go lehlakore la tlhago. Kagona, go—go, motho a dira seo, o itsenya yenamong ka go lefelo leo a no go le tloša ka morago ga selo seo se neetšwego. “Sebakabotse sese seo rena, rena sehlopha se sennyane, re ka kgona go dira *se*, gomme re ka kgona... Re ka se be le selo go dira le ka moka ga bona.” Gomme—gomme seo, le a bona, seo ke selo sa pele se hlagišwa; go na le gore ba tsepamištše ka gare, go tseba gore ke lerato la boena le re swanetšego go ba nalo yo motee go yo mongwe, le—le go kwešišana seng, le go ratana seng, le go rapela le seng sa rena. Ba nyenyefatša monna ka baka la diaparo tša gagwe a di aparago, goba—goba thuto ye a nago le yona, goba mmala wa letlalo la gagwe, goba—goba se sengwe

boka seo. Goba ya gagwe... Gomme yeo, kagona, e aroganya batho, gomme motho o tlogelela ka morago ga seo.

⁶⁴ Ga e tsoge ya fa motho wa ka gare sebaka go šoma. Bjale, ke rena—ke rena sephedi sa boboraro: soulo, mmele, le moy. Bjale, eupša ge monagano wa tlhago... Maatla a mabedi a semoya ao a šomago ka go wena ke monagano wa gago le moya wa gago—le wa gago. Le a bona? Bjale, monagano wa tlhago, wo o nathilego kudu, o tla leka go fihlelela se sengwe ka bohlale bja gagwe. Le a bona? Gomme ge a dira seo, sona selo ge a dira seo, o itahlela yenamong kgole go tloga go motho wa semoya yo a lego ka go yena. Gomme fao ke eng e hlolago bothata, thwi fao, le a bona, o leka go bo nagantšiša ka boyena.

⁶⁵ Bjalo ka ge ke boletše fa, e se kgale botelele, ke a dumela e be e le ka tabarenekeleng, gore, “Modimo ke yo mogolo kudu, A konga go ba bonolo kudu.”

⁶⁶ Bjale, le a bona, ge re eba ba bagolo, re ka se kgone go ba bonolo. Le a bona? Re, re tseba kudu. Gomme re—re swanetše go, “Oo, go swanetše go no ba ka tsela *ye*, ka tsela *ye* re E bolelago, goba ga se Yona, le gatee.” Le a bona? Gabotse, ka tsela yeo, re foša Modimo.

⁶⁷ Eupša ge motho a ka no, monna yo mogolo, a ka no ba yo mogolwane le yo mogolwane, le go tšwelapele go ba yo mogolwane, o tla dira eng? O tla no ba thwi ka go otlologa morago gape go kokobela kudu, le bonolo kudu, go fihla batho ba sepela ka godimo ga gagwe gomme ba sa e tsebe, le a bona, motho yo mogolo yo a lego magareng ga bona.

⁶⁸ Feela selo sa go swana bjalo ka ge re dira. Re—re ela dielektrone, re aroganya athomo, gomme re romela mo—mo molaetša ngwedding, le go sepela godimo ga bjang bja go tlwaelega bjo re sa tsebego selo ka bjona. Yeo ke nnete. Letšoba le lennyane, ga go yo a ka kgonago go hhalosa goba a ka kgonago go hwetša bophelo bjo bo utagalago ka go peu ye nnyane yela tlase ka mobung, go tliša pele letšoba ngwaga wo o latelago. Tsebjana ya go tlwaelega ya bjang, borasaense bohole ka lefaseng ga se ba kgone go dira ntsekana e tee ya bjang, godimo ga tsebjana e tee. Le a bona? O ka se kgone go e dira, gobane e swere bophelo. Gomme kagona, le a bona, re...

⁶⁹ Go boletšwe, “Mašilo ba sepela ka dieta tša go tsatsampela moo Barongwa ba boifago go gata.” Gomme yeo ke therešo ka kgonthe. Re sepela godimo ga dilo tše bonolo. Re sepela godimo ga Modimo.

⁷⁰ Re sepela godima ga o—o orchid, re nyaka daisy. Bjale, yeo ke yona, le a bona, go sepela godimo ga orchid. Gomme ge re no inolofatša renabeng, ra ya fase. Ga go yo a ka kgonago go lebelela ebile...

⁷¹ Morara wola ntle kua, ke eng? Modimo. Ke eng? Ke molora wa bolekheno, le bophelo ka go ona. Retologa, lebelela kgole, go

na le mohlare wo maatla o eme fale, kota ya katune, ke a dumela. Ke eng? Ke molora wa bolekheno, le mohuta wa go fapanwa bophelo ka go ona. Mohuta *wo* wa bophelo, o dirile—o dirile mohlare. Mohuta *woo* wa bophelo, o dirile morara. Le a bona?

⁷² Gomme ke rena eng? Molora wa bolekheno, le bophelo ka go ona. Ke eng e re dirilego se re lego sona? Re be re ka no se be go feta seo, eupša Modimo o beile Bophelo bjo Bosafelego ka go rena, gomme morago re ba balatedi ba Modimo. Ka gona, re—re šeditše, re breakanya Lentšu nako yeo go Modimo.

⁷³ Eupša motho ga a tsoge a fa motho wa ka gare sebaka go hlahoša se se lokilego, kagona seo ke se se hlolago bothata. Setšang. Re hwetša, ge a sa e dire, gona go direga eng? Re hwetša gore pelwapelwana ya gagwe, boka Kaine, o emeletše, le a bona, ka pelapela. O be a ne mona. O be a sa rate Modimo, go neela sa gagwe, go amogela sa Kaine... sehlabelo sa Abele sebakeng sa sa gagwe. O be a nyaka go ya, le yena. O be a nyaka sehlabelo sa gagwe mong. O nyakile tselā ya gagwe mong, le a bona, sebakeng sa go tla godimo go Abele, le go re, “Oo, ngwanešu wa ka, ke thabile kudu gore Modimo o amogetše. Bjale re na le tselā, yeo re tsebago gore Jehofa o amogela ka tselā ye, gobane O e netefaditše ka go amogela sehlabelo sa gago.” A seo e be e ka se be selo go—go se dira? Eupša sebakeng sa seo, o bile le mona.

⁷⁴ Bjale, a ga le bone selo sela sa go swana lehono ka go banna? [Phuthego e re, “Amene.”—Mor.] Le a bona? E no ba tselā ya gagwe, le a bona, bjale, sebakeng sa go amogela tselā yeo Modimo a e hlatselago go ba Therešo.

⁷⁵ Ka tselā ye Modimo ka Boyena a sepelago godimo ga lefelotiragalo, gomme a re, “Ye ke yona. Maswao a a tla latela bona ba ba dumelago. Ke tla ba le lena, ebile ka go lena. Lebakana le lennyane, gomme lefase le ka se Mpone gape; efela lena le tla Mpona, gobane Ke tla ba le lena, ebile ka go lena.” Le a bona, lefase, lena... “Lefase le ka se Mpone, eupša le tla dira.” Le a bona, “Kaine a ka se Mpone, eupša o tla dira, Abele.” Le a bona? Gobane, ke—ke selo sa go swana.

⁷⁶ Gomme sebakeng sa go tla le go re, “Gabotse, semaka, re bona Modimo magareng ga batho, a šoma, a re direng seo,” aowa, mohlomphegi, ka thutotumelo, selo sa go swana, le, bojato, a ke re, le mona, selo sa go swana seo Kaine a nago le sona, o nyaka madi a ngwanabo. O leka go mo phumula go tšwa tseleng, go mo fediša. “Ga se bona selo eupša sehlapha sa bapshikologibakgethwa. Ke ba bannyane.” Le a bona? Le tseba se ke se rago. Seo ke se se thomago bothata. Fao ke mo bothata bo thomago. Fao ke mo dikenō di robegilego. Fao ke mo kopanelo ye e robegilego e aroganyago. Seo ke selo se se thubago malapa. Seo ke selo se se thomago le—le lebile le sepela go ya ditlhahlong. Seo ke sona selo se se robago kopanelo.

⁷⁷ Seo ke selo se se robilego kopanelo ka Edene, ke ka baka la gore Efa o paletšwe ke go boloka tsepamo, go yena go go lebelela go Lentšu la Modimo, gomme a theetša go fa mabaka ga lenaba. Le a bona? Le a bona? Ge a ka be a nno dula thwi le, “Modimo o boletše bjalo. Seo se a e ruma. Modimo o boletše bjalo,” eupša o be a sa nyake go dira seo. Le a bona? O fetotše tsepamo ya galase ya gagwe, gomme a thoma go bona, sebakeng sa go no ba tsela e tee, go fetogile ditsela tše pedi. Le a bona? O bone, “Gabotse, bjale, mohlomongwe monna yo a ka rereša. Mohlomongwe o a rereša. Bjale, re a tseba Modimo o a rereša, gomme mohlomongwe o a rereša. Se e no ba seetša se sentši go se Modimo a se boletšego.” Le bona fale?

⁷⁸ Go na le selo sa go swana se diregago lehono, tlwa thwi morago go lefelo la go swana. Le a bona? Le a bona? Le bona dikgopolole tše pedi. Go na le e tee feela. Ga go na thutotumelo. Ke Lentšu, ke Lentšu la Modimo, morero wa Modimo, peakanyo ya Modimo. Dipolane tšohle tše dingwe ga tša loka.

⁷⁹ Gore, gomme Efa o dirile selo se sebe se, gomme leo ke lebaka lehono gore Modimo, ka go Lentšu la Gagwe, ga a tsoge a dumelela basadi go ba badiredi. Le a bona? E no se dumelelwe ka go Lentšu.

⁸⁰ Mosong wo, ka legaeng la rena, re be re bolela, gomme re dutše tafoleng ya difihlolo, ka leselaphutiana. Re be re nyakile go thoma, kafao re tla fa mo nakong, le go boela morago go peelano ye nngwe. Kafao, rena, ke rile... Re be re bolela mo tafoleng. Gomme—gomme re be re bolela ka, lentšu le tšweletše, ka Barongwa. Mošemané wa ka yo monnyane, Joseph, a dutšego fale, o boletše se sengwe ka Barongwa. Gomme o rile, “Bjale, papa,” o rile, “Barongwa...”

Ke rile, “Modimo ke Monna.”

“Eupša,” o rile, “ba—ba Barongwa ke basadi.”

Ke rile, “Ga go selo se sebjalo.” Le a bona? O rile...

⁸¹ “Gabotse, Ba na le...” Sarah, morwedi wa ka, o rile, “Eupša, papa,” o rile, “fao, bona, ba apere dikhete.” O rile, “Bona, ke basadi.”

Ke rile, “Yoo ke, rasaekholotši tsoko o thadile seswantšho selā.”

⁸² Ga se ba ke ba tsoge ba bona, ka Beibeleng, Morongwa a biditšwe “mosadi.” E be e le “monna,” ka mehla, monna, monna, monna, e sego—e sego “mosadi.” Ga go selo se sebjalo bjalo ka Morongwa go beng mosadi. Ga se gwa ke gwa ba, ka Beibeleng. Gomme ga go gona, ka Kerekeng ya Modimo yo a phelago. Ga go selo se sebjalo bjalo ka motseta wa mosadi. *Morongwa* ke “motseta.” Kafao, Modimo ga a tsoge a e dumelela.

⁸³ Gobane, Beibele e re, “Adama o bopilwe pele, gomme morago Efa. Gomme Adama ga se a forwa, eupša mosadi ge a forilwe o

bile ka karogong.” Le a bona? Kagona, o . . . O rile, Paulo o rile, “Ga ke dumelele mosadi go ruta, goba go ba le maatlataolo e ka ba afe, eupša go ikhomolela, bjalo ka ge le mo—mo molao o boletše.”

⁸⁴ Bjale, ka go seo, le a bona, bjale, bjale, go swana le dihlopha tša rena tša Pentecostal, ke modu wa seo. Le a bona? Se ba se dirago, ba na le tsepamo, “Gabotse, bjale, fa, mosadi šo o kgona go rera boka legadima.” Gabotse, seo ga se pelaelo, le gannyane. Ka nnete. Ke kwele bareri ba bangwe ba basadi, ba kgona go rera, gore banna ebile ba be ba sa kgone go ema ka go moriti wa go e dira, eupša seo ga se ne selo se tee go dira le se e lego toko; le a bona, ga se ne o tee.

⁸⁵ Paulo o rile, “Ge yo mongwe a bolela ka maleme gomme go se mohlatholli, gona a a homole.”

O re, “Nka se kgone go homola.”

⁸⁶ Eupša Beibele e rile o ka kgona, le a bona, kafao yeo ke yona. Le a bona? E swanetše go dirwa ka lenaneo, go bewa ka lenaneo, go bewa ka lefelong la yona, gomme fao e dule e le ka mehla lefelong la yona.

⁸⁷ Le a bona, fao, o tšwele tsepamong. Seo se hlola maikutlo a mathata, go gola, le go ya pele. Sebakeng sa go itsepamiša renabeng morago le Lentšu, re itsepamišetša thoko renabeng, le go bona, “Gabotse, a nke ba dire se ba se bonago.” Le a bona, ka mokgwa woo, feela tsela, gona. Go lokile.

⁸⁸ Bjale, re hwetša gore e roba kopanelo ya magae. E roba kopanelo ya dikereke. E roba kopanelo ya ditšhaba, selo sela sa go swana.

⁸⁹ Ditšhaba di nyaka go bona ka tsela ya tšona beng. Jeremane e nyaka go bona ka tsela ya bona, e nnoši. Russia e nyaka go bona ka tsela ya bona, e nnoši. Amerika e nyaka go bona ka tsela ya gagwe, e nnoši. Le a bona? Ka gona, le a bona, yeo ke yona. Ke moyo wa ditšhaba. O o hwetša e ka ba kae o yago, o hwetša moyo wa bosetšhaba. Ke ile ka gare, gomme ba na le ditsela tša go fapano. Ga go makatše kudu. Ge nkabe ke bile le nako, ke be ke tla no rata go tshela go kgabola tše dingwe tša ditšhaba le go le bontšha.

⁹⁰ Ge o tsena ka gare, o ya ka Jeremane, o hwetša moyo wa sešole. Se sengwe le se sengwe ke sešole. O swanetše go ema go otloga, o sepele go otloga, o ripe dikhona tša gago, le se sengwe le se sengwe. Ke sešole.

⁹¹ O ya ka Fora, o hwetša moyo wa maitshwarohlephi: feela basadi, le beine, le bjala, le—le dilo boka tše. Le a bona?

⁹² O ya ka Finland, o hwetša moyo wa go botega, wa go swana le botho, se sengwe le se sengwe se a botega. “Re swanetše go lefa se sengwe le se sengwe.” Le a bona? Se swanetše go dirwa. Go swanetše go no ba ka tsela yeo. Ga go kgathale ba swanetše

go šoma thata gakaakang, se go se bitšago, go swanetše go ba ka tsela yeo.

⁹³ O tla ka Amerika, o hwetša ye kgolo, “Ha, ha, ha, ha, ha!” Seo ke se e lego sona. Ya. Woo ke moywa Amerika. Yo mongwe o bolela motlae wa ditšhila mo seyalemoyeng, gomme yo mongwe le yo mongwe o a o sega. Ernie Ford, goba—goba ba bangwe ba bona, ba dira metlae ye ba nago le yona, le a tseba, mogohle, Arthur Godfrey le sehlopha sela boka seo, le a bona, woo ke—woo ke moywa Amerika. O o hwetša ka tsela yeo.

⁹⁴ Gomme gona meboya yela e ba le mona ka moywa wo mongwe. Gomme e dira eng? E hlola ntwa. Yeo ke nnete.

⁹⁵ Bjale, le a bona, setšhaba se sengwe le se sengwe se laolwa ke Sathane. Beibele e boletše bjalo. Yena ke modimo wa ditšhaba. Sathane o tšeetše Jesu godimo, ntlhoreng ya thaba, gomme a re... o Mmontšhitše mebušo yohle e bego e le ka lefaseng, mebušo yohle, mo nakwaneng ya nako. O rile, “Ye ke ya ka. Ke dira ka yona e ka ba eng ke nyakago.” O rile, “Ke tla Go fa yona, ge O ka nthapela.”

⁹⁶ Jesu o rile, “Tloga morago ga Ka, Sathane.” O tsebile O be a eya go ba mojabohwa wa yona ka Mileniamong. Le a bona? Kafao, O be a se a swanelia go khunama fase go yena. O tsebile e be e eya...

⁹⁷ Bjale, ge Modimo a etla gape, le go tše, go dira Mmušo wa Gagwe fa, le a bona, go ka se be le mehuta e ka ba efe ya go fapania ya moywa: moywa wa Mojeremane, le moywa wa Mofora, le mo—mo moywa wa Monorwegian, le moywa wa Moamerika. Fao go ka se be woo. E tla ba Moya o tee, amene, Moya wa Modimo, o phela ka pelong ye nngwe le ye nngwe. Yeo ke nnete. Gomme go tla ba folaga e tee, setšhaba se tee, batho ba tee, bongwanešu, Botate bja Modimo, le bongwanešu bja batho. Bomorwa! Ee.

⁹⁸ Ka gona re hwetša gore, ka baka la gore batho ba dira se, gomme—gomme ba hlola dikgogakgogano tše kgolo tše, le go ya pele... Bjale, le a bona, ge feela Sathane a le laola, go ya go ba dintwa le mathata, le ntwa. Jesu o rile, ka go Mokgethwia Johane... Mokgethwia Mateo 24, o rile, “Le tla kwa dintwa, le mekgoši ya dintwa, le dintwa, le ntwa.” Gobaneng? Gobane, mokgoma wa lefase, Sathane, maatla a ditšhaba... Go na le moywa wa bosetšhaba *mo*, moywa wa bosetšhaba *mo*. Ke bodiabolo. Ga ba kgone go ya mmogo seng sa bona. Le a bona?

⁹⁹ A le kile la tše, sehlopha ka nageng ya Maeskimo godimo kua, moo re sepelago ka dilei tša dimpša, leboa la Alaska, le godimodimo tikologong ka Lefelong la Leboabodikela? Ge mo—mo mohlahlhi kua a be a tlema dimpša tše go katologana, di bitšwa Dihaski... Gomme o tlemelela e tee *fa*, gomme e tee ntle *fale*, le e tee godimo *fa*.

Ke rile, “Gobaneng o dira seo?”

¹⁰⁰ O rile, “Di tletše diabolo kudu, di tla bolayana seng.” Le a bona? Go no—go no bolaya, seo ke sohle di naganago ka sona.

¹⁰¹ Gabotse, yoo ke—yoo ke diabolo, le a bona. Ke mmolai. Yena, feela yena, se—se setšhaba feela... Ebile le bodiabolo ba lwa le bodiabolo. Le a bona? Ba no lwa seng.

Eupša, Modimo ke lerato lohle, le a bona, kafao le ka se kgone go dira selo eupša go ratana seng.

¹⁰² Kafao, le a bona, kokwane ka moka e thea thwi morago gape go yona meboya, tlwa morago mathomong. Genesi ke tema ya peu, gomme e tšweletša se sengwe le se sengwe, gona, seo re nago le sona ka lefaseng lehono.

¹⁰³ Bjale re na le dintwa le diphenyo, diphenyo tše kgolo. Setšhaba se tee se tla tsena le go šašara se sengwe, sa re, “Letago! Re na le phenyo. Re ba fentše.” Gomme—gomme morago, selo sa pele le a tseba, ba tla ba bagwera le go šišinya diatla, le go ba le thekišo magareng ga bona seng.

¹⁰⁴ Gomme ka morago ga lebakana, ke mopresidente yo mongwe, goba kgoši ye nngwe e tla tla ka gare, goba mmusi yo mongwe, tshepedišo ye nngwe. Gomme, selo sa pele le a tseba, šeba bona, ditlogolo tsa bona di morago ka dithunya, di lwa seng sa tšona, gape. “Dintwa, le mekgoši ya dintwa.” Gomme yo mongwe yo o tla kitima godimo ka godimo ga yo mongwe, “Bjale o tla ntlhankela, o a tseba. Ke nna mofenyi, gomme ke wena—ke wena yo a lego ntle.” Le go ya pele. O no...

¹⁰⁵ Bjalo ka ge nkile ka kwa tshwayo, “Modimo o dirile motho, gomme motho o dirile makgoba.” Modimo ga se a dira motho go bušana seng. Modimo o dirile motho go ba banešu, yeo ke nnete, go ba banešu, e sego go bušana seng. Ga go morafe wa ka godimo, ga go setšhaba sa ka godimo, ga go leleme la ka godimo. Re na le leleme le tee, la Legodimo. Le a bona? Yeo ke nnete. Re na le boena bjo botee: yoo ke monna. Yoo ke monna, ga go kgathale gore ke mang.

¹⁰⁶ Gobaneng re swanetše go lwa le go bolayana seng? Eupša ba a e dira. Ka gona nako ye nngwe, setšhaba se sebotse, goba setšhaba se se nago le tshepedišo ka go sona, se leka go dira gabotse, le go lwela ditokelo tsa sona, morago setšhaba se sebe se tla tla ka gare godimo ga sona. Gomme nako yeo mo ba tla tsea taolo, gomme setšhaba se se ba sela. Gomme ka gona morago le pele, go no fetoga, morago le pele.

¹⁰⁷ Ditšhaba di bile le tše ntši, diphenyo tše ntši tše kgolo tsa setšhaba tše ba di lekilego, bjalo ka ge ba lekile go lwela mabolokologi a bona, le se ba se swaretšego bja bona—bja bona beng. Gomme ba na le—ba na le eng? Ge feela Sathane a ba laola, ba ya go tšwelapele go lwa. Eupša ba fentše diphenyo tše ntši tše kgolo, diphenyo tše kgolo. Re ka kgona go ya morago, go tloga gona mathomong, le go laetša moo setšhaba se bušitšego godimo ga setšhaba, le moketeko wa diphenyo tše kgolo, le go pele.

¹⁰⁸ Boka, ka go Ntwa ya Pele ya Lefase, ge re bile le Ntwa ya Pele ya Lefase, ge bontši bja ditšhaba bo etla mmogo le go kopana mabaleng ka Jeremane. Gomme moo Belgium le ba go fapana ba ditšhaba ba bego ba elwa ka tlase ga difolaga tša go fapana, e biditšwe Ntwa ya Pele ya Lefase. Bjale ke . . .

¹⁰⁹ Go ne banešu ba babedi ba dutše fa, goba ba bararo, mohlomongwe ba bane ba lena, bao le kgonago go elelwa seo. Ke kgonago go e elelwa. Ke nna masometlhano nne.

¹¹⁰ Gomme ke a elelwa, bjalo ka mošemané yo monnyane, a ka bago senyane, seswai goba senyane sa mengwaga bogolo, ka 1914. A re boneng, senyane, lesome, lesometee, lesomepedi, lesometharo, lesomenne. Ke be ke le mengwaga ye mehlano ka bokgale ge e hlaka. Ke elelwa ge ba rile go be go eya go ba ntwa. Gomme papa wa ka o be a ka ba masomepedi pedi, gomme ba ile ba swanelu go mo romela ntweng. Oo, ga se ke kgone go nagana ka seo, go romela papa wa ka ntweng. O tlie go rotoga tsela. O be a le ka go koloi ya dispring. Gomme o bile le . . . Gomme o be a ile tlase lebenkeleng, e bego e le dimaele tše mmalwa ka tlase ga rena, gomme o be a na le mokotla wa dinawa godimo kua. Re . . . Gomme kafao ke rile . . . ke topile dinawa. Ke naganne, “Ge bona ba etla le go thoma ntwa e ka ba efe, ke tla ba betha ka mokotla wo wa dinawa ge ba etla.” Le a bona? Bjale, ba be ba le . . . Feela kgopolu ya ntwa, papa wa ka a swanetše go ya ntweng!

¹¹¹ Gabotse, pha—pha phalafala e galagetše, gomme—gomme “Rekang dikadimišo tša lena,” le go ya pele.

¹¹² Gomme bjalo ka ge bohole re e elelwa, “Re tla ya godimo le go ba le Ntwa ye ya Lefase, gomme re tla e fediša. Gomme morago ba tla beakanya.” Ba beakantše se ba se biditšego Liki ya Dítšhaba. “Gomme morago go ya go ba khutšo, khutšo ya ka Gosafelego. Yeo ke phetho. Ga go sa le ntwa gape.”

¹¹³ Ka go feela mengwaga ye masomepedi ye mennyané, re be re le thwi morago ka go yena gape, go no fiša bjalo ka mehla, ka go ntwa ye nngwe ya lefase. Le a bona? Dintwa! Gobaneng? Ke bojato, mona. Le a bona? Ka pela ge Kaiser Wilhelm a tlogile Jeremane, morago moisa tsoko o tla ka gare, ka leina la Adolf Hitler, Moaustrian, gomme o dirile menagano ya batho bale yohle e šwalalane, e šušumeditšwego ke letimone, gore ba be ba ka kgona go hwipinya lefase. Gomme, bona, gomme le be le le fao. Le a bona? Ke diabolo kgahlanong le diabolo, gape, le a bona, ka mokgwa woo. Gomme balatedi ba go hloka molato ba ditšhaba tšela, tše, ba no hlahlana seng sa bona go ya ntweng, go ya ntweng, go ya ntweng. Gomme go nno ba ka tsela yeo, gohle mmogo.

¹¹⁴ Bjale, bjale, re hwetša, morago, selo sa go latela le a tseba, ntwa ye nngwe e a rotoga. Bjale, gape, lefase ka moka le ile ntweng gape, ka didirišwa tše kaonana, le difofane tše kaonana, le dipomo tše kgolwane. Gomme ba lwele, le go tšwa madi, le go

hwa, le go bolawa ke tlala, le go gatsela, le se sengwe le se sengwe gape. Ntwa, ntwa, ntwa!

¹¹⁵ Morago go tlide letšatši, le re le bitšago, letšatši la-P. Fao ke mo ke gogilego sehlogo se go tšwa gona, letšatši la-P lela, Letšatši La Phenyo. Leo e bile letšatši le ba tšerego phenyo, gomme moo ma—ma madira a tšerego phenyo godimo ga madira a mangwe, letšatši la-P. Bjale, fao go be go le letšatši la-T, gomme ka gona go be go le letšatši la-P. Letšatši la-T ke ge ba eya ka gare go lwa. Letšatši la-P ke ge khutšo e saennwe, ge Jeremane le ka moka ditšhaba bagwera tša bona tšohle le tšohle di ineetšego go di—go di—go ditšhaba tše dingwe.

¹¹⁶ Gomme re dirile eng? Ka letšatši la-P, re opetše dipina. Re goeleditše. Re lahletše dikefa tša rena moyeng. Re thuntše dithunya moyeng. Re llile. Re leditše melodi. Re itia meropa. Re, re bapetše mmimo. Re, re phaphathane seng sa rena ka morago. E be e le eng? E be e le phenyo. Oo, re bile le phenyo. Ka fao ba . . . Gobaneng, re ikwetše, “Re fentše. Re fentše.” Difolaga di ile godimo, gomme diphalafala di galagetše, gomme, oo, a nako re bilego le yona! “Phenyo, phenyo, phenyo! Re fentše.”

¹¹⁷ Gomme e be e le selo se segolo. E tlišitše khutšo go di—go ditšhaba tša Bokriste, bjalo ka ge di bitšwa. Gomme re bile le nako ye nnyanne ya go hema. Ba bangwe ba bašemane ba ba bego ba phela, ba tla morago gae le go ya pele. Eupša, a mantši a magolo, ona matšatši, a bile, a mantši a ona, le dintwa tše kgolo.

¹¹⁸ Eupša, le a tseba, gohle go bapa moo go bilego mohuta wola wa ntwa e lwelwego, gape go bile le batho ba ba dumelago ba Modimo ba bile le a mantši a magolo matšatši a-P, le bona. Oo, ee! Go bile ka mahlakoreng bobedi, moo galase e tsepamišitšwego gomme e ile go lehlakore la tlhago, ka matšatši a-P; le moo e tsepamelago ka go Lentšu ka go Lengwalo, e tliša letšatši la-P le lengwe dinako tše dingwe.

¹¹⁹ Re bile le tše ntši tša tšona dintwa tše kgolo kgahlanong le lenaba la rena. Gomme Modimo o bile le banna ba bagolo ntle mo ba ba emego ka pele, ba ba kgonnego go—go swara, ka Moya wa Modimo, dikgopololo tša batho, le go e lahlela ka Mmušong wa Modimo mošola, le go tšwela ntle e le mofenyi.

¹²⁰ Re e lwa letšatši le lengwe le le lengwe. Mokriste yo mongwe le yo mongwe o lwa ntwa, letšatši le lengwe le le lengwe. Re ka go ntwa gonabjale, e ya pele kgafetšakgafetša ka gare ga rena, gare ga nnete le phošo. “A re tla O amogela? Re tla dira eng? A re tla khunamela lefase? A re ka tlogela kgopololo yeo re nago nayo?”

¹²¹ Gomme ge re Le bona, Le beakanye. Le tsee go tloga go Genesi go ya go Kutollo. Ke O RIALO MORENA, nako le nako, thwi go theoga go kgabola kua. Re ka se kgone go Le tlogela. Re ka se kgone go itšimeletša le ka moka ga bona. Re no se kgone go e dira. Re swanetše go dula fa. Yeo ke phetho. Ga go kgathale lenaba ke le legolo gakaakang, le ke bontši bjo bokae

bja metšhene a nago kgahlanong le rena, gomme ke mekgatlo ye mekae, le ke bontši bjo bokae bja *se, sela*, goba se *sengwe*. Rena, efela, re gogile setsepamiši se, sa Lentšu la Modimo, go fihla re hwetša gore go ne selo se tee, gomme seo ke Madi a Jesu Kriste. Gomme O a swana maabane, lehono, le go ya go ile.

¹²² Kagona, ga go dire phapano e ka ba efe se e ka ba mang gape a se bolelago. Ba re, “Matšatši a mehlolo a fetile. Ga go selo se sebjalo bjalo ka phodišo Kgethwa. Ga go na kolobetšo ya Moya wo Mokgethwa. Gomme kolobetšo Leineng la Jesu Kriste, yeo e be e le ya barutiwa ba nnoši.” Gomme dilo tše tšohle, ba leka go tsepamišetša thoko go yona. Go le bjalo, e tsepeletše thwi morago go Lentšu, gomme ga go yo a ka rego ga e gona. Yeo ke nnete.

¹²³ Kafao, re ka go ntwa. Gomme bagale ba Modimo ka mehla ba bile le ntwa.

¹²⁴ Gomme lena, kereke ye nnyane, elelwang morago mo, le karolo ya ngatana yeo. Ke lena kampatšhireletšo morago fa. Yeo, le tseba se kampatšhireletše e lego sona. Le swanetše, ka go ba ye nngwe ya yona thwi fa hleng le lena. Kafao, ke lena kampatšhireletšo morago fa, lefelong, go boloka difolaga, go dira se e lego therešo, go fela le sa tteleima Jesu Kriste ke kholofelo e nnoši ya lefase; e sego kereke ya Methodist, kereke ya Baptist, kgopolu ya Presbyterian, Katoliki, goba Sejuda, goba e ka ba eng e ka bago; morafe, sehlopha, goba mmala. Yeo ga se yona. Ke Jesu Kriste. Le a bona? Ke Yena. Ke Yena Mofenyi wa rena. Ke yena Yena. Ke Mokapotene Mogolo wa mosepelo. Ye ke ditaelo tša Gagwe. Re swanetše go latela ditaelo. Le ka tsoge la kgona bjang . . .

¹²⁵ Ba bangwe ba lena bašemanle le diretše ka ntweng. Le ka tsoge la kgona bjang . . . Mokapotene o fa taelo, gomme o retologa go dikologa le go dira se sengwe sa ka morago, gobaneng, o tla hlakahlakanya sešole ka moka. Yeo ke nnete. O tla se lahlela ka go raurau. O swanetše go latela ditaelo. Tsela e nnoši o ka kgonago go e dira, ke go e tsepamiša, le go bona morero, se e lego mabapi le sona. Go lokile.

¹²⁶ Re bile le dintwa tše ntši tše kgolo, dintwa tša semoya. Matšatši a-P a mantši a magolo ao Kereke e bileygo le wona; ke ra Kereke, Mmele wa Kriste. Ga ke bolela ka tshepedišo ya mokgatlo bjale. Ke bolela ka Mmele wa Kriste. Mmele wa badumedi, go theoga go kgabola mabaka, o bile le matšatši a-P a mantši a magolo.

¹²⁷ Re bolela ka, re bile le dintwa tše mmalwa, dintwa le mekgoši ya dintwa, le matšatši a-P, le matšatši a-P, le matšatši a-P. Gomme mafelelong e tla tatologela godimo ka go ntwa ye kgolo ya Haramagedone. Yeo e tla ba mafelelo a yona. Ge a etla go ntwa ya Haramagedone, seo se tla rumu selo ka moka. Feela pele ga Mileniamo wo mogolo, Haramagedone e swanetše go hlwekiša lefase. O impshafatšagape yenamong ka thuthupišo ye

ya athomo, gomme molora wa bolekheno le selo di nweletša madi a a thapišitšego a batho le godimo ga lefase, le sebe le bosenyi. O nwelela ka tlase ga lefase, gomme bolekheno e gotla gape, gomme e mpshafatša le go hlwekiša lefase bakeng sa Mileniamo wo mogolo. O hlwekiša Kereke ya Gagwe, lebakeng la nako yeo, bakeng sa batho go phela mo. Amene. Ke—ke re, ke rata seo. Ee, mohlomphegi. Go tla nako mo e tla bago ye kgolo.

¹²⁸ Bjale, matšatši a-P a magolo, re nagana ka nako. A re nong go ya morago. Re na le metsotso e se mekae bjale go nagana ka ba bangwe ba bahlabani. A re yeng morago gomme re nagane ka yo mongwe wa . . . Re ka kgona go ya moragorago. Eupša a re nong go ya morago bokgole bja Moshe. Moshe o bile le nako yeo a ilego tlase ka go ntwa ye kgolo, gobane kereke, ka go yonamong, e lebetše phenyo kgale.

¹²⁹ Seo ke se e lego bothata ka kereke lehono. Ke kgale kudu re lebetše gore Jesu Kriste o a swana maabane, lehono, le go ya go ile. Re lebetše gore Modimo ke Mofodiši, o kgona go dira balwetši ba fole. Re lebetše gore kolobetšo ya Moya wo Mokgethwa e tšholletšwe godimo ga barutiwa, le go fiwa go tloga molokong go ya molokong, bakeng sa e ka ba mang, e ka ba mang a ratago a kgone go tla. Re lebetše seo, kgale, kgale kudu.

¹³⁰ Kafao Israele e be e lebetše. Ba be ba kgotsofetše tlase ka Egepeta, gomme morago ba ba makgoba.

¹³¹ Gomme bjale mo go be go le Moshe yo a ilego tlase, ka gare ga taba ya gagwe mong ya bohlale go, goba, phihlelelo ya bohlale go leka, le ka tlase ga maatla a sešole, go tliša Israele ntle, le go šitwa go e dira.

¹³² Eupša feela Lentšu go tšwa go Modimo, ka lehlakoreng la morago la leganata, le apeile selo ka moka godimo gape. Go diregile eng ka Moshe? O bile le digalase tša gagwe di tsepamišitšwe. Morero o nnoši wa Modimo e be e se go nyala mosetsana yo mobotse yo wa lekhalate wa Moethopia morago kua, le—le go dula fase le go ba le bana, le—le go diša dinku tša ratswalagwe. Eupša thomo ya gagwe e be—e be e le go lokolla bana ba Modimo, ntle go tšwa ka tlase ga bokgoba bjola. Yeo e be e le thomo ya gagwe. Seo ke se a bego a se tswaletšwe.

¹³³ Gomme yo mongwe le yo mongwe wa rena o tswetšwe bakeng sa se sengwe. Ga se ra no bewa mo bakeng sa lefeela. Thaba yela ga se ya ke ya direga ntle kua go no ba. Mohlare wola o be o beilwe kua bakeng sa morero. Se sengwe le se sengwe ke bakeng sa morero. Se swanetše go hlankela. Gomme re fa bakeng sa morero. Mohlomongwe ke go paka go motho o tee le go ba dira ba phološwe, gomme go tšwa go yoo go ka tla moreri a tla romelago milione wa disoulo go Kriste.

¹³⁴ Lebelelang tshokologo ya Dwight Moody, le ba bantši ba bao. Le a bona? Feela mokgekolo yo motee yo monnyane, ka . . . Mokgekolo yo monnyane wa go hlatswa ka molaetša pelong ya

gagwe, go direla Modimo se sengwe, gomme o ile a hira setala sa kgale sa yunifomo ya sešole, gomme a hwetša modiredi go tla tlase le go rera. Gomme ga go yo mongwe eupša mošemane yo monnyane wa kgale, ka moriri wa bona o lekeletše go theoga molala wa gagwe, gomme a apere makhirisipane a tatagwe, o ile tlase kua gomme a khunama fase aletareng bošego bjoo. Dwight Moody, yo a rometšego seripa sa milione wa disoulo go Jesu Kriste. Le a bona? Mosadi yola o bile le se sengwe go dira. O... E be e le bakeng sa morero. O dirilwe mosadi wa go hlatswa, bakeng sa morero.

¹³⁵ O se nyatše fao Modimo a go beilego. Eupša, dira morero wa gago. Go tla letšatši le legolo la phenyo, le lengwe la matšatši a, fao ntwa e fedilego.

¹³⁶ Bjale, hlokamelang. Moshe, o ile tlase, ka morago ga ge a bile le digalase tša gagwe di tsepamisitšwe le go bona gore e be e le lenaneo la Modimo, se a bego a swanetše go se dira. O ile tlase. O lwele thata. O bile le dintwa tše ntši tše kgolo. Eupša ye nngwe ya tše kgolo tša gagwe, dintwa tša go leka, ke tla rata go—go e tliša. Ge, a ile a fihlelala, ka go laetša maswao le dimaka, ka dilo tša go fapania tše Modimo a mo laeditšego tšona, go bolela Lentšu gomme le be le tla ba materiale le go direga.

¹³⁷ Selo sa go swana re nago le sona lehono, go bolela Lentšu godimo ga balwetši, [Ngwanešu Branham o thwantšha monwana wa gagwe—Mor.] le go Le šetša le fodiša, le go dira dilo tše dingwe tše tše Lentšu la Modimo le di boletšego ka dipounama tša motho. “O re go thaba ye, ‘Šuthišwa,’ gomme o se dikadike, eupša wa dumela se o se boletšego se tla direga, o ka ba le se o se boletšego.” Jesu o boletše bjalo. Bjale, re dumela seo, le go swarelela go sona, le go se tše, le go se dumela.

¹³⁸ Gomme bjale, Moshe o dirile seo. Gomme o ile tlase kua, gomme Modimo o netefaditše go ba le yena. Eupša ka morago ga go mmea gohle mmogo, Modimo...

¹³⁹ Go bonala eke, bophelo bja Bokriste, ge moisa a se a tsengwa go Kriste ka phethagalo, bophelo bja Bokriste, bo bonala o ka re, bo swere manyami a mantši bjalo. Eupša manyami ao ke—ke thato Kgethwa ya Modimo e direga bakeng sa rena. Bjale, ga go bonale o ka re e tla ba seo, eupša ke tsela ya Modimo ya go dira dilo. O re dumelela go betha noká, go bona se re tla se dirago.

¹⁴⁰ Moshe o etilepele bana ba Israele thwi ka tseleng ya mošomo, le madira a Faraó ka morago ga gagwe, gomme lerole le tupa go tšwa go ba—ba banna ba seripa sa milione ka dibetša. Gomme mo go be go le milione tše pedi tša Bajuda ba go hloka thušo ka selo, ba eme kua, banna, basadi, bana, le go ya pele. Gomme Lewatle le Lehubedu le bile le yena a thibetšwe. Lewatle la go hwa le bile le yena a thibetšwe. O... Ga go lefelo go ya. Le a bona? Eupša Moshe o bile le letšatši la-P ge a rapetše. O ile gomme a thoma go llela go Morena.

¹⁴¹ Gomme Morena o rile, “Gobaneng o llela go Nna? Ke go romile go e dira. Bolela le bana, gore ba ya pele ka mothalong wa mošomo.” Amene. Ke lena bao. “O se ke wa Ntelela. O romilwe go tšeela batho ba kua mošola. E no bolela le bona, gore ba ya pele, dula thwi ka tseleng ya mošomo.” Amene.

¹⁴² A tlhohleletšo yeo e swanetšego go ba bakeng sa motho wa go babja! A tlhohleletšo ye e swanetšego go ba bakeng sa mokgelogi! Retologa ka bowena go dikologa, gomme o thome morago. Dula ka mothalong wa mošomo. Ke taba ya Modimo go bula Mawatle a Mahubedu. Ke taba ya Modimo. O no bolela le go sepelela pele. Seo ke sohle o swanetšego go se dira.

¹⁴³ Gomme Moshe, letšatši la-P le legolo lela, o be a le ka lewatleng tlase kua. Oo, a letšatši la-P le bego e le bakeng sa Moshe, le bakeng sa bana ba Israele ba ba obametšego segalontšu sa moprofeta wa bona, ge ba boletše gomme ba ile pele. Moshe o rile, “A ga se ka . . . Le šetše le bone mehlolo ye lesome, gomme le sa belaela.” Gomme o thomile go sepela go leba lewatleng, ka lepara lela ka seatleng sa gagwe. Gomme Modimo o rometše phefo godimo ga bošego gomme a budulela lewatle lela go tloga lehlakoreng le tee go ya go le lengwe, gomme ba ile ba sepela go kgabaganya godimo ga naga ya go oma, letšatši la-P.

¹⁴⁴ Lebelelang fa. Ba eme, ebole le sehlogo sa rena lehono se boletše, gore, “Ba eme le go opela pina ya Moshe, mo lewatleng la galase le hlakanego le mollo.” Le a bona? Le a bona? Ba opetše. Gomme Moshe, ge a kgabaganyeditše mošola, gomme o be a sa tsebe a dire eng. Gomme o ile godimo . . . Fa go tla madira a Farao, a leka go ekiša dilo tšeoa bego a di dira. Dipapetšo tša senama! Gomme go diregile eng? Lewatle le wetše ka gare gomme la ba nweletša, yo mongwe le yo mongwe. Gomme o bone bagapeletši ba go hwa.

¹⁴⁵ Miriamo o topile thamporini gomme o ile go theoga leši, a letša thamporini ye. Gomme barwedi ba Israele ba mo latetše, ba goelela, le go letša dithamporine, le go bina. Gomme Moshe o opetše ka Moya. Ge yeo e se kopano ya nako ya kgale ya Moya wo Mokgethwa, ga se nke ka ke ka bona e tee. [Ga go selo go theipi—Mor.]

¹⁴⁶ “Baegepeta ba le ba lebeletšego lehono, le ka se tsoge la ba bona gape.” Amene. A letšatši! Go fedile.

¹⁴⁷ Letšatši le lengwe go tla tla letšatši la-P le lengwe bakeng sa Mokriste, le yena. Yeo ke mnete.

¹⁴⁸ Elang hloko, Joshua o bile le letšatši la-P ka nokeng, le yena. Joshua o bile le letšatši la-P ka Jeriko. Ka nnete o dirile. Fale moo a kgabagantšego, o bile le letšatši la-P, pele, mo nokeng. Yena šole mo kgwedding ya Aporele, ka kgonagalo maele go kgabaganya, Jorodane e be e le, ka gobane godimo ka ntlhoreng ya dithaba godimo kua, go na le lehlwa le tologago. Gomme gohle godimo ga melala, noka e ile ya phatlalala.

¹⁴⁹ Gomme ga go pelaelo lenaba le ka be le rile, “Bjale, Modimo ka kgonthe ke mo—mo Mogenerale, a ga A? A hlahlela madira a Gagwe thwi godimo mo go nako ya seruthwana, ge noka e le ye mpempe ya yona, ge e le nako ye mpempe go kgabaganya, gomme nako yeo a iša madira a Gagwe godimo mo, gomme a ba etella pele go ya go kgabaganya.” Aowa.

¹⁵⁰ Modimo o dumelela manyami go direga, go bontšha phenyo. Oo, ge re ka kgonia feela go bona seo! Le a bona? Le tla bona feela gore dilo tše tseo di bonalago di le kgobola kudu, le go le nyamiša, ke meleko. Ke dilo, go šišimala, tsepamiša digalase tša gago godimo ga Lentšu la Modimo. Gomme boleta Lentšu, gomme morago e no sepelela pele. Seo ke sohle se lego go e dira.

¹⁵¹ Re fihla go nako, re re, “Modimo, ga ke tsebe ke dire eng. Ke godimo kgahlanong le yona.”

¹⁵² Boleta lentšu, “Morena, ke a dumela.” Gomme e no thoma go sepelela pele. Modimo o dira go bulega ga lewatle. O no tswelapele o sepela. Le a bona?

¹⁵³ Bjale, re hwetša gore Joshua, thwi mo nakong yeo, o rapetše. Gomme Morena o mmoditše seo se bego se tla direga. Gomme o bile le letšatši la-P. O fentše. Nako yeo, ge a fentše noka le go ya ka lehlakoreng le lengwe, o dirile eng? O beile areka . . .

¹⁵⁴ Yeo, Lentšu le be le le ka arekeng. O beile yeo pele. Morago baopedi, le go ya pele, ba tla ka morago ga yona. Eupša areka e ile pele, pele.

¹⁵⁵ Ge Israele e ile ntweng, selo sa pele se ilego pele e be e le baopedi. Gomme baopedi ba ile pele, ba opela. Morago ba letša diphalafala, le go ya pele. Morago areka ya sepelela godimo. Morago, ge areka e sepeletše godimo, morago ba beile areka fase, gomme n—n ntwa ya thoma.

¹⁵⁶ Elang hloko. Eupša bjale, ka go se, ge Joshua a tšere Lentšu pele, gomme a bea Lentšu pele, o tshetše go theoga . . .

¹⁵⁷ Modimo o mmoditše, “Bjalo ka ge Ke be ke na le Moshe, Ke tla ba le wena bjalo. Nka se go šitiše. Ke tla ba le wena. Ga go motho yo a yago go ema pele ga gago, matšatši ohle a bophelo bja gago. Ke ya go ba thwi fao. Se boife se se yago go direga. Ke tla ba thwi fao.” Ka gona eng, ka thomo boka yeo, Joshua o be a ka kgonia go dira eng eupša go bea Lentšu pele? Amene. Ke lena fao. Ka thomo go tšwa go Modimo, o beile Lentšu pele. Gomme le tlišitše letšatši la-P. Oo, e swanetše go tla. Yeo ke phetho.

¹⁵⁸ O beile Lentšu pele, gomme go diregile eng? Areka e ile tlase pele, go meetse. Ge e dirile, lewatle le ile la bulega, noka, ke ra gore, gomme ba tshelela ka kua.

¹⁵⁹ Morago o ya go dira eng ka morago ga ge a fihla godimo fale? Ke eng selo sa go latela se yago go direga, ge a fihla godimo kua ka lehlakoreng le lengwe? Nako yeo o a hwetša, bohle ba

ageletšwe ka gare ka maboto, ka baka la poifo ya gagwe ge a etla ka kua.

¹⁶⁰ Eupša o kopane le Mokapotene Mogolo, letšatši le lengwe. Gomme o bile le letšatši la-P le lengwe. O mmoditše tlwa se a tla se dirago, gomme maboto a Jeriko a wetše fase. O ya go e dira bjang?

¹⁶¹ Monna wa tlhago a lebeletše go kgabola galase fale, o re, “Bjale, fa, O ntlišitše godimo fa, gomme ke nna yo. Lebelela kganetšo. Ka baka la eng, bohle ba ka gare, ka diragamabje tša bona. Ge re ka tsoge ra fihla kgauswi le leboto lela, madimabe go rena. Ba na le maswika a beilwe ka kua, diragamabje tša bona tše kgolo. Ba na le marumo. Ba na le mara. Ba ne se sengwe le se sengwe se letše ka fale. Gomme ba no . . .”

Eupša, le a bona, Joshua o beile Modimo pele. Gomme ge a dirile . . .

¹⁶² Ga se ka fao o yago go fihla fale. Seo se tšwa go Modimo. E no tšwelapele o sepela, latela Lentšu.

¹⁶³ O rile, “Matšhang go dikologa, matšatši a šupago. Gomme ka letšatši la bošupa, matšhang makga a šupago. Godimo . . . Ka nako ya mafelelo go dikologa, letša phalafala.” Lefelo la Modimo, go tloša tlhago. Gomme semoya se sepeletše ka gare, gomme maboto a wele. Gomme ba ile thwi go otlologa godimo le go tšea selo. Ee, mohlomphegi. Modimo o bile le letšatši la-P nako yeo.

¹⁶⁴ Abraham o bile le letšatši la-P, ka morago ga go tshepišwa botelele bjalo go ngwana yo, Modimo a mo leka bakeng sa lerato la gagwe le potego ya gagwe; go yoo re lego peu ya gagwe, ge re dumela Modimo.

¹⁶⁵ Gomme Abraham o bile le letšatši la-P. E bile neng? Letšatši le a tlogetšego naga ya melala ya Siniara? E sego tlwa. O tsheletše mošola, yeo ke nnate, Eforate, le go tla ka lehlakoreng le lengwe le, go diilela. Leo e be e le letšatsi le lebotse. Leo le be le sa le mohuta wa . . .

¹⁶⁶ Eupša letšatši la-P la gagwe le legolo le bile godimo Thabeng ya Jireh, ge a fihla godimo kua letšatši lela, ge Modimo a mo fa teko ya makgaolakgang. Ge, a bile le morwa wa gagwe a nnoši. O rile, “Bjale, Abraham, mo tseele godimo kua go thaba yela, gomme o mo needle bakeng sa sehlabelo. Ke go dirile tatago ditšhaba. Sese selo se nnoši o nago naso, go go dira ‘tatago ditšhaba,’ ke ka morwa yo. Ke nyaka o mmolaye.” Oo, le a e bona? “Senya se sengwe le se sengwe. Senya wona morero. Ke wena yo, Abraham, o ka ba lekgolo le lesomenne, bogolo bja mengwaga ye lesometlhano bjale. Gomme o letile lebaka la mengwaga ye masomepedi tlhano bakeng sa lesea. Gomme bjale mošemane o lesometlhano goba lesometshela bogolo bja mengwaga. Gomme ke nyaka o mo tseele godimo le go mmolaya, gore ke kgone go go dira tatago ditšhaba.” Oo, nna! Ee.

¹⁶⁷ Abraham ga se a tsoge a šutha. Ga se a tsoge, a tsoge a roromela Lentšung la Modimo. O rile, “Ee, Morena. Ke nna yo ke a ya.” O topile dikgong, gomme o tšeetše Isaka thwi godimo ntlhoreng ya thaba, feela tlwa go obamela. Gobaneng? O beile taelo ya Modimo pele. O ya go ba tatago ditšhaba bjang, ge a na le feela morwa yo motee, gomme ka godimo ga lekgolo la mengwaga ka bokgale bjale? O e dirile bjang? Gobane, se, o rile, “Ke . . .” O bone gore ge Modimo a kgonne go mo fa Isaka, bjalo ka yo a tšwago bahung, gape O be a ka kgona go mo tsoša go tšwa bahung gape.

¹⁶⁸ Bjale, bagwera, Modimo yo a re tsošitšego go tšwa go dilo tša lefase le tshenyego ya lefase le, a A ka se kgone bontši go re fa Bophelo bjo Bosafelego le go re bea ka Nageng moo go sego lehu? Le a bona? Re lebelela meleko ye mennyaney, gomme re nagana ke yona se sengwe. Gobaneng, ga se yona selo eupša dinako tše dinnyaney tša go lekwa. Le a bona? Modimo o lekile Abraham, eupša ge a hweditše letšatši la-P la gagwe ke ge a ile godimo kua ka go obamela Lentšu.

¹⁶⁹ Boka ba bolela lehono, “Ke a tseba.” Ke kwele modiredi lebakana la go feta, a bala Ditiro 2:38, eupša o fošitše, le a bona. O rile, “Gomme Petro o boletše gore ba swanetše go kolobetšwa, gomme morago—morago ba be ba tla amogela Moya wo Mokgethwa,” o šitilwe go bala yohle ya Yona. Gobaneng? Le a bona, mekgatlo e lwantšitše sona Selo. Bjale, le hwetsa kgopololo? Le a bona? Gobaneng le dira seo? Ke eng e le dirago go feta Dilo tše ka thoko?

¹⁷⁰ Ge Beibele e bolela Seo, le E bala thwi go theoga ka tsela ye E E bolelago, le go bolela selo sa go swana Beibele e se bolelago. Ke ge le na le tsepamo ya lena morago gabotse, le a bona, go tla morago go se Lentšu le se boletšego.

¹⁷¹ Bjale, re hwetša gore, ba, o hwetša ya gago—ya gago . . . o tsepametše thoko kua.

¹⁷² Bjale, Abraham o bile le tsepamo ya gagwe gabotse, gobane Modimo o rile, “Ke ya go go dira tatago ditšhaba,” ge a be a le bogolo bja mengwaga ye masomešupa tlhano, gomme Sarah a le masometshela tlhano.

¹⁷³ Gomme o dumetše Modimo. Yena, o dirile eng? O beile tsepamo ya gagwe go se O RIALO MORENA e bego e le sona. Ee, mohlomphegi. Gomme o sepetshe thwi go otlologa le seo, se O RIALO MORENA e bego e le sona. Letšatši ka morago ga letšatši, o sepetshe. Ngwaga ka morago ga ngwaga, o sepetshe, a ipolela, “E ka ba eng kgahlanong le Leo, e be—e be e se nnete. Aowa, mohlomphegi. E be e swanetše go ba ka tsela Yeo. Modimo o boletše bjalo.”

¹⁷⁴ Ke a eleletša ba bangwe ba manaba a gagwe ba sepela go dikologa, ba re, “Tatago ditšhaba, o na le bana ba bakae bjale?”

¹⁷⁵ “Ga go dire phapano ye e itšego ke bokae ke nago bjale. Ke nna tatago ditšhaba. Yeo ke phetho.”

“O tseba bjang?”

¹⁷⁶ “Modimo o boletše bjalo. Seo se a e ruma. Seo e no ba sohle se lego go yona. Modimo o e boletše, gomme seo se a e ruma.”

¹⁷⁷ Kafao go latela go ile Abraham. Gomme mafelelong o tlie go yona yeo . . . nako yeo, le a bona, go beng go botega kudu; go botega kudu, diteko tša go fetiša. Le a bona? Kafao O mo tlišitše thwi morago.

¹⁷⁸ Bjale, elelwang. Ge . . . Modimo o go badile go ba wa maswanedi. Bjale, le se šitwe go se, go hwetša se. Ge o na le teko goba moleko, go laetša mogau wa Modimo o hweditše, o hweditše go ratwa ke Modimo, gomme Modimo o dumela gore o tla emela moleko.

Le a elelwa, O dirile selo sa go swana ka Jobo.

¹⁷⁹ Sathane o rile, “Oo, ee, ke bone Jobo tlase fale.” O rile, “Ga a . . .”

¹⁸⁰ Modimo o rile, “Ke mohlanka wa go phethagala. Ga go yo mongwe lefaseng boka yena. Ga go yo mongwe boka Jobo. Ke monna wa go phethagala. Bjale, yena, yena ke wa Ka—yena ke boikgantšho le thabo ya Ka.”

¹⁸¹ Sathane o rile, “Oo, nnete. O hwetša se sengwe le se sengwe a se kgopelago.” O rile, “A nke ke mo sware gatee.” Gomme o rile, “Nna, ke tla mo dira a Go roge go sona sefahlego sa Gago.” O rile, “Ke tla no mo dira a Go roge.”

¹⁸² Modimo o rile, “O ka diatleng tša gago, eupša o se tšee bophelo bja gagwe.” Le a bona? Modimo o bile le boitshepo ka go Jobo. Amene.

¹⁸³ Ge go lebega o ka re se sengwe le se sengwe se fošagetše, Modimo o go fa teko. O na le boitshepo ka go wena. Yena ga a swanela go go pepetletša. Ga o semela sa go ageletšwa, motswako. O Mokriste wa kgonthe. Modimo o go fa teko, go bona se o tla se dirago ka yona. Amene. Ga go makatše Petro o rile, “Meleko ye ya go fiša, gobaneng, e tšee go ba thabo. E—e bohlokwa kudu go wena go feta gauta.”

¹⁸⁴ Gomme makga a mantši re a dikadika, “Oo, gabotse, ge nka no . . .” Gabotse, seo, gabotse, seo ke se sengwe Modimo a go fago, go fenya. O—O—O a tseba o tla e dira. O, O—O beile tshepo ya Gagwe ka go wena.

¹⁸⁵ Gomme O dumetše Abraham . . . Abraham o dumetše Modimo, a ke re. Gomme Modimo o rile, ntle le go kamaka, o boditše Sathane, “Nka no kgona go netefatša wena, o a Nthata.” O rile, “Ke nna . . . O dumela tshepišo yela, gobane Ke mmoditše seo.” Kafao o tšeetše morwa wa gagwe mong godimo, ntlhoreng

ya thaba, a tlema diatla tša gagwe ka morago ga gagwe, gore, letšatši le Modimo a boletšego bjalo.

¹⁸⁶ Isaka yo monnyane o bile go gonona, le a tseba. O rile, Genesi 22, o rile—o rile, “Tate?”

O rile, “Ke nna yo, morwa wa ka.”

¹⁸⁷ O rile, “Dikgong šedi, gomme a—a—a aletara še, le se sengwe le se sengwe. Eupsa—eupsa—eupsa e kae kwana,” o a bona, “bakeng sa—bakeng sa se—se—se sehlabelo?” O thoma go ikwela mohuta wa go se tlwaelege. “Ke eng—ke eng se sohle ka ga sona? Rena, re tlogetše se sengwe.”

¹⁸⁸ Ga go dire phapano ye e itšego se o naganago o se tlogetše. O tlogetše kopanelo ya se sengwe le se sengwe gape. “Gabotse, o swanetše go ba le diphathi tša gago tša dikarata. O swanetše go dira se. O swanetše go nwa nthathana gannyane. Gomme o tlogetše . . .” Ga se wa tlogela selo. Eya pele, obamela Lentšu. Le a bona? Yeo ke phetho, e no obamela Lentšu. Ga se wa tlogela selo. E no obamela Lentšu.

¹⁸⁹ O rile, “Modimo o rile, ‘Mo tliše godimo mo,’ gomme o tla—o tla . . . Eya godimo mo ntlhoreng ya thaba. Ke swanetše go dira se sengwe. Ge ke fihla kua, ke tla se dira.”

¹⁹⁰ Kafao o ile godimo kua, le go tlema diatla tša gagwe, le go mmea godimo ga aletara, ka mokgwa *woo*. Isaka yo monnyane ga se nke a popoduma; go obamela, le a bona, sekai sa Kriste. Nako yeo ge a gogile thipa go tšwa kgotlopong ya yona, gomme a gogela moriri wa gagwe morago go tšwa sefahlegong sa gagwe, go tšea bophelo bja gagwe, leo e be e le letšatši la-P la Abraham; oo, nna, ge a, lekilwe go fihla go ona magomo ao, a morwa wa gagwe a nnoši.

¹⁹¹ Bjale, ge o no ba wa semoya, tšea seo go ya tekong, ge Modimo a file wa Gagwe Mong, le a bona, letšatši la-P, se A se ratilego. Modimo o ratile moloko wa Adama wo o welego kudu! Re tla tla go seo nthathana gannyane.

¹⁹² Elang hloko, letšatši la-P, letšatši la-P la Abraham le be le godimo ga Thaba ya Jireh, moo Morena a mo filego sehlabelo sebakeng sa morwa wa gagwe. Lerato, le a bona, lerato. Letšatši leo, Abraham o netefaditše go Modimo, ntle le moriti wa pelaelo, potego ya gagwe. Abraham o netefaditše go Modimo, tumelo ya gagwe ka go Yena, ka gore o rile, “Ke hweditše mošemane yo ge ke be ke le bogolo bja mengwaga ye lekgolo bogolo, ka go dumela tshepišo. Gomme O mpoditše ke be ke le tatago ditšhaba. Ge A nkogopela go tšea bophelo bja gagwe, Modimo o kgona go mo tsoša go tšwa bahung.” Fše! Nna, oo, nna! Seo se swanetše go dira Mopresbyterian a goelele, a se ka se ke? Le a bona? “Ka fao A—A—A mphilego tshepišo, gomme O—O—O mpontšhitše bjale bo—bo bohlatse bja se. Amene. O, O e netefaditše go nna, gore O boloka Lentšu la Gagwe.”

¹⁹³ Gabotse, O re hweditše kae? Ke mohuta mang wa tlhagaraga ke tšwelego go yona? Ke mohuta ofe o tšwelego go wona? Dikgopololo tša rena di kae mosong wo? O netefaditše eng go ba magareng ga rena? Ga go pelaelo ka yona. Amene. Gomme letšatši la-P la rena—la rena ke nnete. Re swanetše go ba le yona. Le a bona? O e netefaditše.

¹⁹⁴ Abraham o re, “O e netefaditše go nna. Ke be ke se ne ngwana. Ke be—ke be ke le mokgalabje. Ke be ke sa belegiše, gomme popelo ya mosadimogatša wa ka e be e hwile. Gomme re be re . . . O be a le masometshela tlhano, gomme ke be ke le masomešupa tlhano, eupša Modimo o rile, ‘Ke ya go go fa lesea ka yena.’ Seo se e rarolotše. Seo ke sohle se bego se le go yona.” Abraham o re, “Ke e dumetše.”

¹⁹⁵ Morago Modimo o mo lahletše ka go mengwaga ye masomepedi tlhano ya teko. Ga se e re selo go Abraham. O tlide ntle a tiile kudu go feta ka fao a bego a le lefelo la pele, a sa fa tumišo go Modimo. Ntle le go kamaka, Modimo o lebeletše fase gomme a re, “A mohlanka!”

O rile, Sathane o rile, “Oo, ya.”

O rile, “Yena . . .”

¹⁹⁶ “Eupša Ke tla—Ke tla netefatša gore o a Nthata. Mo tšeele godimo kua, ntlhoreng ya thaba, o senye bjona bohlatsa. Mo tšeele godimo kua.”

Gomme Abraham o ile godimo go e dira. Yeo ke nnete.

¹⁹⁷ Gomme Abraham, ge a thoma go tšea bophelo bja ngwana wa gagwe, Moya wo Mokgethwa o ile wa swara seatla sa gagwe, o rile, “Abraham, emiša seatla sa gago. Ke a tseba o a Nthata.” Amene.

¹⁹⁸ Woo ke mohuta wa motho yo ke nyakago go ba, go rata Modimo go sa kgathale se se diregago. “Emiša seatla sa gago.” Go go fa teko, moo ebile go lego kgahlanong le go nagana ga gago mong. Eupša, ge feela Lentšu le boletše bjalo, e dire, go le bjalo. Le a bona?

¹⁹⁹ “Emiša seatla sa gago. Ke a tseba gore o a Nthata, gobane ebile ga se o gane ka morwa wa gago a nnoši go Nna.” O rile, “Tšhegofatšo, Ke tla go šegofatša,” o rile, “peu ya gagwe e tla ema ka kgorong ya lenaba, gomme o tla fenza.” Oo, nna! O dirile, le yena.

²⁰⁰ Moragwana gannyane, re ya go hwetše “peu yela ya Abraham” fale. Go lokile. Ke eng e dirilego . . .

²⁰¹ Dipelaelo di be di tlogile go Abraham. Ge a kwele Lentšu la nnete, dipelaelo di tlogile. Ge a bone Modimo a hlatsela Lentšu, dipelaelo di tlogile. Lerato le tšere legato la yona. “Ke a tseba o a Nthata, Abraham. Ga o Mpelaele le gannyane. Ga go kgathale ke botelele gakaakang o swanetšego go leta, o sa Ntumela. Ke go kgopetše go senya bjona bohlatsa bjo Ke go filego. Ke go fa

bohlatse, morago ke go kgopetše go bo senya. Gomme o Nthata gabotse kudu, o boloka Lentšu la Ka go sa kgathale se le lego.” Amene. Leo e be e le letšatši la-P kgonthe bakeng sa Modimo. Le a bona?

²⁰² Jakobo o bile le letšatši la-P nako ye nngwe. O be a boifa go ya morago go ngwanabo, ka gore o be a dirile bobe. Eupša, efela, Moya wo Mokgethwa o thoma go mo sebotša, ka pelong ya gagwe, “Boela morago nagalegaeng moo o tšwago gona. O tšwa nagalegaeng. O dirile bobe godimo kua, bjale ke go romela morago.” Gomme ge a tlide kgauswana, o fihlile . . . Nnete, nnete.

²⁰³ Seo ke se diabolo a lego ka morago ga rena kudu ka sona. Le a bona? Seo ke se diabolo a lego ka morago ga Monyalwa kudu ka sona, Kereke, ka fao, bjale, e tla kgauswi le letšatši la-P. Yeo ke nnete. O batamela kgauswi ka kgonthe. Moo ke nako ye lenaba le dirago go befabefi ga lona, go aroša. Beibebe e rile, “Madimabe go lefase, ka gore diabolo o bjalo ka tau ye e rorago, ka matšatšing a mafelelo, o ya go dikologa, a metša yo a ratago,” le a bona. “Madimabe go bona”; ditlhomaro le dilo di tla direga. Swarelela thwi go Lona. O se ke wa šuthela, la go ja goba la nngele. Dula thwi le Lentšu lela. Modimo o boletše bjalo. Seo se a edira.

²⁰⁴ Jakobo, o hlohogetše ka pelong ya gagwe, se sengwe le se sengwe se be se bonala se fošagetše. O be a nyaka go ya morago gae. Moya wo Mokgethwa o be o mo hlahla. O be a dirile tshepišo go Modimo. O be a swanetše go ya Bethele, go lefa dikarolo tše le bjalo. Gomme fa, mo tseleng ya gagwe go boweng, o hwetša gore Esau, ngwanabo lenaba, o be—o be a no ba go kgabaganya noka, a mo letetše, le madira. Kafao, Jakobo o be a le lefšega, efela o be a na le ditšhegofatšo tsa Modimo. Modimo o be a tshepišitše go mo šegofatša. O be a na le tokelotswalo. Amene.

²⁰⁵ A seswantšho sa Kereke lehono, ka kolobetšo ya Moya wo Mokgethwa, ka tshepišo ya Lentšu la Modimo go e hlatsela, gobane o ba karolo ya Lentšu lela, tokelotswalo.

²⁰⁶ Gomme Jakobo o bile le tokelotswalo. Amene. O bile . . . Ngwanabo o be a sa tshwenyeyege ka yona. Gomme o bile le tokelotswalo, gobane ngwanabo o e rekišitše go yena bakeng sa togotogo ya moro.

Gomme go bjalo le kereke ya lefase lehono e rekišitše tokelotswalo ya bona.

²⁰⁷ Gomme lebogang Modimo, re na le Yona. Ee. Re na le Yona. Re tshwenyega ka eng ka kopano ya dikereke, le Liki ya Ditšhaba, le dilo tšohle tše dingwe tše, ge feela o na le tokelotswalo?

²⁰⁸ Se kereke e hlokago go se dira, ke go dira boka Jakobo, go rapela go fihla o hwetša letšatši la-P. Gomme, thwi, Jakobo o bile le phathi ya go katana. O katane bošego bjhohle botelele, le Morena, eupša o rile, “Ke no se ye go Go tlogela go fihla ke hwetša phenyo ye.” Gomme ka nako yeo e ka ba seetša sa letšatši,

mosong wo mongwe, o bile le letšatši la-P. Ga se a ke a sepela go swana, gape. Eupša, ka lehlakoreng *le*, o be a le yo mogolo gagolo, wa go tia, moleloko wa kereke wa go boifiša. Eupša, ka lehlakoreng *le* lengwe, o be a le yo monnyane, moprista wa go hlotša, goba mokgoma, a ke re; yo monnyane, mokgoma wa go hlotša, ka sebete sa go lekanelo go lwa le sešole ka moka.

Esau o rile, “Ke tla go fa sešole.”

O rile, “Ga ke se hloke.” O bile le letšatši la-P.

²⁰⁹ Ga re hloke mekgatlo ya bona. Ga re hloke dilo tša bona—tša bona tša lefase le. Ga re hloke ya bona . . . go swanela go bapela ka go dilo tša lefase le. Re bile le letšatši la-P. Re katane letšatši le lengwe, goba bošego bjo bongwe.

²¹⁰ Oo, ka fao ke gopolago go katana, ge—ge ke be ke swanetše go hwa go nnamong. Eupša fao go tlie letšatši la-P, ge ke hweditše phenyo, morago Lentšu la Modimo le bile therešo. Kereke ya Baptist, go nna, e be e se go feta mokgatlo wo o itšego wo mongwe. Yeo ke nnete. Ke bile le letšatši la-P. Lentšu la Modimo le a reresha.

Ngk. Davis o rile, “Gobaneng, o tla ba mopshikologimokgethwa.”

Ke rile, “Mopshikologimokgethwa, goba go se be mopshikologimokgethwa!”

²¹¹ Godimo, tlase kua ka Green’s Mill, ke dutše bošego bjhohle ka thapelong, go fihla Morongwa yola a etla ka kua mosong wola, Seetša sela. O rile . . . Eng? Ke be ke leka go fediša sona selo se Modimo a mphilego go lwa ka sona, dipono, ge ba be ba mpotša E be e le ya diabolo. Nako yeo O tlie, a mpotša, a šupa morago go Mangwalo, “A ga se ba bolela selo sa go swana ka Morwa wa Modimo, le go ya pele?” Ke bile le letšatši la-P. Ga go sa le tša seo go nna. Ke ile ka ya mašemong, le go dikologa le go dikologa lefase. Letšatši la-P!

²¹² Le a bona, Jakobo o bile le letšatši la-P le. O katane, bošego bjhohle. Eupša ge letšatši le thoma go hlaba, e be e le letšatši la-P bakeng sa gagwe.

²¹³ Diphenyo tšohle tše kgolo tše le dilo! Go bolela ka dilo tše, ga go lefelo la go ema, a le gona? Diphenyo tšohle tše kgolo tše di be di lokile. Re leboga ye nngwe le ye nngwe ya tšona. Tšohle e be e le diphenyo tše kgolo. Diphenyo tše kgolo tša dintwa, le diphenyo tše kgolo tša dintwa tša semoya, le go ya pele, e be e le tše kgolo. Eupša, le ela hloko, go be go se le e tee ya tšona a tšeago nako. Le a bona? Re na le phenyo ye kgolo, lebakana. Bjale, re no . . .

²¹⁴ Re hweditše fa, e se kgale botelele, ge re ile ntweng le Japane. Gobaneng, ke—ke . . . Ka legaeng la rena beng, go be go le sedirišwa se sennyane sa nthathana. Yo mongwe o be a re file nthathana ye nnyane, oo, sedirišwa, le a tseba, gannyane

boka mpopiana. Gomme go bile godimo ga sona, "Se dirilwe ka Japane." Moisa o se lahletše fase le go se pšhatla. Le a bona? Gomme o ka kgona go re, "Se dirilwe ka Japane," ba tla se lahlela ntle. Goba, ba ya ka mabenkeleng a sente tše lesome, sehlopha sa boRicky, le a tseba. E sego... Batho ba go seleka ba ya ka kua, lebenkele la disente tše lesome, go no itshwara botswerere, le a bona, ba ya ka gare le go hwetša dilo go tšwa Japane. Ba nyakile go bontšha potego ya bona go setšhaba.

²¹⁵ Go reng ka Modimo? Ba sega ka sefahlegong sa Gagwe. Le a bona? Ge ba be ba le bonolo kudu go kitimela ka lebenkeleng la disente tše lesome le go kokota godimo ga dikhaontara, le dilo boka tše, gobane ba bile le mepopiana ye mennyan le didirišwa, le dilo, tšona di dirilwe... di dirilwe go tšwa Japane, gobane ba be ba le ntweng le yona; go reng ka go kgoga disekerete, le go nwa, go aketša, go utswa, le dilo tša go swana le tše, le a bona, go madira a kgonthe a Modimo? Le a bona? Ba nyaka go botega. Go reng ka rena re botega? Ge ba ile kgolegong bakeng sa go dira seo, e dirile phapano efe? Ba nyaka go botegela setšhaba, go folaga. Eupša Mokriste o a boifa, nako ye nngwe, go bolela. Le a bona? Ke ka baka leo re hlokago matšatši a-P a mantši, ge o ka kgona go itira wenamong go fenywa. Le a bona? A nke Modimo a go fenyetše ka maatla a Gagwe a lerato.

²¹⁶ Diphenyo tšohle tše kgolo tše e be e le diphenyo tša lebakana. Le, go Moshe, Israele e ile thwi morago ka ditlemong gape. Ka mehla, ka gare le ka ntle, ka gare le ka ntle, re a e hwetša. Bagale ba bantsi ba sa lwa go ya pele, gomme ba hwa. Ba sa e dira ka dintweng, ka tsepamišong ya galase ya tlhago. Ba e dira ka semoyeng. Bagale ba a lwa le go hwa. Ka fao re ka yago tlase. Ke ne mothalo ka moka wa bona ba ngwadilwe fase fa, boka Daniele, le bana ba Bahebere, le bona bafenyi ba bagolo morago kua ba ba thopilego phenyo.

²¹⁷ Eupša ba tšwetšepele... mafelelong gwa tla selo se se bitšwago lehu, se ba tšere, le a bona, go sa kgathale. Ba ile pele thwi, le a bona, ba sa lwa, ba ehwa; ba elwa, ba ehwa; ba thopa diphenyo, ba ehwa; ba thopa diphenyo, ba ehwa.

²¹⁸ Eupša, le a bona, morago ga tšohle, motho o be a se a direlwa go hwa. Motho o dirilwe go phela. Gomme ga go kgathale ke diphihlelelo tše kae tše kgolo a di dirilego, o sa hwa, feela go swana. Gomme ge ba ile lebitleng, ba mmolokile, gomme seo se e rarolotše. Ba marakile lebitla la gagwe le letlapa la lebitla ntle kua, gomme, goba, lebitla la gagwe, gomme bjoo—bjoo e be e le bofelo bja yona. Lehu le mo meditše. Moshe yo mogolo yola, Joshua yo mogolo, baprofeta ba bagolo ba Beibele, go nyakile bohle ba bona, ntle le e ka ba ba babedi goba ba bararo, re tseba moo mabitla a bona a lego, moo le ba marakilego. Lehu le ba meditše le go ba tše thwi go ya pele. Le a bona?

²¹⁹ Eupša letšatši le lengwe, go tlie ntwa, go tlie Mohlabani Mogolo a tla fase, Jesu Kriste, Morwa wa Modimo. Gomme go be go le Paseka. Leo e be e le letšatši la-P la kgonthe, ka morago ga ge Jesu a lwele le go fenya. O lwele kgahlanong le lenaba le lengwe le le lengwe le bego le swanetše go lwatšhwa kgahlanong.

²²⁰ Selo sa pele, ge A tswalwa, O tswetšwe ka leina la ditšhila, sa mathomo, magareng ga batho, bjalo ka Ngwana wa hlaba. O lwele Yenamong thwi go kgabola seo. “Maria, a bile le lesea le ka Josefa, ntle le go nyalana.” O tlie magareng ga bana ba baswa, ka leina. Eupša, ka pelong ya Gagwe, O tsebile O be a le Morwa wa Modimo. Le a bona? O lwele go kgabola seo.

²²¹ O tla go letšatši la moo A tla dirago sephetho sa Gagwe sa se A tla se dirago, ka morago ga ge A amogetše Moya wo Mokgethwa.

²²² O tlie go letšatši le Sathane a Mo tšeetšego godimo ga thaba, gomme o Mmontšhitše mebušo yohle ya lefase, gomme o rile, “Ke tla Go dira kgoši bjale. O re O Morwa wa Modimo, gomme O na le maatla. Ke tla Go fa mmuši wa ditšhaba tšohle,” feela se molwalekriste a lekago go ba sona lehono. Eupša go be go le letšatši la-P. O lwele thwi go e kgabola. O rile, “Ge O le Morwa wa Modimo . . .”

²²³ Go tlie nako ge A hlohlilwe ke Lentšu. “Ge O le Morwa wa Modimo, laela matlapa a go dirwa borotho.” Le a bona? “Gomme O swerwe ke tlala, bjale a je.” Le a bona? “Ge O le Morwa wa Modimo, O ka kgona go dira seo.” A ka be a dirile. Yeo ke nnete. Eupša go be go swanetše go ba letšatši la-P. O thopile phenyo godimo ga moleko wola. Le a bona? O thopile . . .

²²⁴ O rile, “Bjale O ka kgona go ba Motho yo mogolo. O ka kgona go ipontšha Wenamong, se O lego sona.” O Mo tšeetše, ntlhoreng, tempeleng, o rile, “Wela fase. Ke tla Go tsopolela Lengwalo, Go ngwadilwe, ‘O fa Barongwa tlhokomelo godimo ga Gago, gore nako efe kapa efe ge O thitša leoto la Gago kgahlanong le letlapa, gomme ba Go kukela godimo.’” Lebelelang moithutamodimo yola yo Sathane a lego yena. Le a bona?

²²⁵ “Tloga morago ga Ka, Sathane,” go tla Lentšu. E be e le letšatši la-P. O tla go letšatši la-P le lengwe le le lengwe.

²²⁶ O sepeletše godimo ka bogoneng bja—bja mmago mosadimogatša wa Petro a robetše kua, a babja ka letadi. Letadi le be le galefile ka mmeleng wa gagwe. Ba be ba hloka tirelo. O sepelela godimo gomme a kgwatha seatla sa gagwe. Bolwetsi bo ka se kgone go ema ka Bogoneng bja Gagwe. Ka kgonthe aowa.

²²⁷ Morago O tlie lefelong moo go bego go le lehu ka—ka lapeng. Go tlie lefelong moo monna a bitšwago Latsaro, mogwera wa Gagwe, a hwilego gomme a bolokwa, gomme a robetše ka lebitleng, gomme a nkga, e ka ba letšatši la bone. Mmele o tsena ka tshenyegong ka matšatšing a mararo, le a bona, diiri tše

masomešupa pedi, tshenyego. Gomme go ttile lefelo moo bophelo le lehu di bego di lebane. So Yena, Bophelo; lehu šelete, le le tšerego mogwera wa Gagwe; ka go makgaolakgang. O sepeletše ntle lebitleng, gomme a gogela wona magetla a mannyane morago, a re, “Latsaro, etla pele.” Oo, nna! Lentšu lela le ile pele. E be e le Lentšu la Modimo. Bophelo bo tabogetše go bjonomamong gape. Morago go tla motšwasehlabelo, go tšwa mošola, felotsoko, go ya bophelong gape. Nnete. O thopile phenyo. Yeo ke nnete.

²²⁸ Bolwetši, moleko, se sengwe le se sengwe seo se ka bago, O lwele go kgabola nthathana ye nngwe le ye nngwe ya sona. Letšatši la-P! Nnete tlwa.

²²⁹ Morago go ttile nako mo lefase lohle le bego le robetše ka meriting, dikgao tša meriti ya lehu; monna yo mongwe le yo mongwe, motho yo mongwe le yo mongwe, moprofeta yo mongwe le yo mongwe, monna yo mongwe le yo mongwe yo mogolo yo, bagale bohole ba A ba romilego. Bohle ba robetše morago kua. Kua go be go robetše Abraham, Isaka, Jakobo, Josefa, bohole ba bona ba robetše ka lebitleng morago kua, ba dumela; ga go na bohlatse go feta feela, “Lentšu la Modimo le boletše bjalo. Modimo o boletše bjalo.”

²³⁰ Lebelelang Jobo ge a be a elwa kudu. Mosadimogatša wa gagwe, yena mosadimogatša wa gagwe, mogwera wa gagwe, o rile, “Ebile le mohemo wa gagwe o bile go se tlwaelege go nna,” go ya pele. O be a . . .

²³¹ A nako ye motho a bilego le yona, meleko! Gomme ebile le go Bilidada le bohole ka moka ga bona, ba rile, le Elihu ebile, ba lekile go mo phara, le dilo boka tše. Eupša o tsebile o dutše le Lentšu.

²³² Gomme mosadimogatša wa gagwe o ttile gomme o rile, “Jobo, o bonala go šokiša.” O rile, “Gobaneng o sa no rogaka Modimo gomme wa hwa lehu?”

²³³ O rile, “Wena o bolela boka mosadi wa lešilo.” Uh-huh! Oo, nna! A mogale!

Le Jesu o boletše ka yena, “A ga se la kwa kgotlelelo ya Jobo?”

²³⁴ Jobo o ile tlase ka ditomong. Abraham o ile tlase ka ditomong. Ee, mohlomphegi. Isaka o ile tlase ka ditomong. Josefa o ile tlase ka ditomong.

²³⁵ Josefa o rile, “Le se mpoloke tlase fa, go le bjalo. Mpolokeng godimo fa, le a bona, mpolokeng godimo fa le botate ba ka. Mpolokeng ka tsela ye ba bolokilwego, Lentšu, molala wo ba boloketšwego ka go ona, lefelo le ba boloketšwego ka go lona.”

²³⁶ Seo ke selo sa go swana ka go nna. Ke ka baka leo ke nyakago go bolokwa Leineng la Jesu. “Ka gore bao ba lego ka go Kriste Modimo o tla ba tliša le Yena,” le a bona.

²³⁷ Kafao gona re hwetša, pele le pele le pele, go tšwele bagale, bagale, bagale. Gomme mo go tla nako yeo Mokapotene Mogolo, yo a ba romilego . . . Gomme ba be ba wetše lepatlelong la ntwa, bafenyi ba bagolo. Ba tlie go matšatši a-P a bona, gomme ba thopile phenyo godimo ga lenaba. Ebile ba . . .

²³⁸ Joshua, ka . . . o bile le . . . nako ya go nyaka, o emišitše letšatši ka lentšu la gagwe mong, gomme ga se la phadima. Gomme letšatši ga se le ye tlase lebaka la diiri tše masomepedi nne. Beibele e rile, “Ga se gwa ke gwa ba motho, pele ga fao goba ka morago, yo a kilego a laela letšatši go šišimala, moo Modimo o theeditše segalontšu sa motho.”

²³⁹ Gobaneng? Le a bona, o bile le lenaba le rakeletšwe. Le a bona? Ba be ba no, ba be ba rakeletšwe ntle bohle, mogohle. O ile a swanela go ba tsoma le go ba bolaya. Seo ke sohle se bego se le go yona, gobane yeo e be e le thomo ya gagwe. Gomme o tsebile, ge go ka tsoge gwa tla nako ya bošego, ba be ba tla ba le nako ya go ikgoboketša gape le go tla mmogo, gomme o be a tla loba banna ba bantsi. Kafao o rile, “Ke hloka nako. Ke hloka seetša. Letšatši, šišimala.” Amene. O Modimo. Modimo o theeditše lentšu la monna gomme a emiša letšatši. Le dutše ka lefelong la lona la go swana lebaka la diiri tše masomepedi nne, go fihla a lwele, a fedišitše yo mongwe le yo mongwe wa lenaba le go ba tliša fase. Ba be ba sa kgone . . . Ga se ba ba fa nako go ikgoboketša gape. O tšwetšepele a eya pele.

²⁴⁰ Gomme, efela, Joshua o beile bophelo bja gagwe fase, o robetše ka leroleng la lefase.

²⁴¹ Eupša ge Mokgoma yo mogolo yo a tlie, Kriste, Yena yoo Daniele a mmonego . . .

²⁴² Mohlabani yo mogolo yola, Daniele, ka bogareng bja mathata ohle le dilo boka tše, le tše kgolo . . . Moo, ge nkabe re bile le nako, re ka be re boletše le yena. Efela, o robetše ka leroleng la lefase. O rile, “Wena o tla khutša go bageno ka letšatsing leo, eupša, Daniele, o tla ema gape.”

²⁴³ Bjale, tshepišo yeo a e filwego, go bagale bohle ba, go fihla, mafelelong, nako ya tla, le iri ya tšhoganetšo, gore e swanetše go patelwa. Jesu o tlie lefaseng. O fentše bolwetši bjo bongwe le bjo bongwe. O fentše se sengwe le se sengwe. Bjale O swanetše go fenza lebitla.

²⁴⁴ O fentše lehu. Lehu ga se le kgone go dula ka Bogoneng bja Gagwe. Ga se a ke ebile a rera poloko. Aowa, mohlomphegi. Mohlologadi wa Naine o tlie ntle le morwa wa gagwe, ka mokgwa woo. O e emišitše, a mo tsoša. Oo, nna! Ee, mohlomphegi. O netefaditše gore O bile le maatla godimo ga lehu.

²⁴⁵ Bjale go na le manaba a mabedi gape: ke lebitla ntle mošola, le hele; haedese, lebitla. Kafao ka letšatši lela ge A hwile go hwa bjalo go fihla letšatši le tlogela go phadima, gomme lefase—lefase

le bile le go hwa dihwahwa ga megalatšika, maswika a tokologa go tšwa dithabeng, le dilo boka tšeо, O hwile. O ile tlase ka heleng. O fentše lehu. O fentše hele. Mosong wa Paseka O fentše lebitla. Amene.

²⁴⁶ Le bolela ka letšatši la-P la go felela? Letšatši la-P la kgonthę: O ba tlišitše ntle. Gomme e sego seo feela, eupša, ge A etla ka ntle ga lebitla, O tlišitše mathopša ao a bego a le fao. Beibele e rile, “O thopolotše mathopša.” A tla godimo go tšwa lebitleng, a ba tliša le Yena, bohole bagale bale ntle mošola. A ga le tsebe gore e be e le nako ye kgolo godimo kua letšatši lela, ge ba—ge ba tsene Mmušong wola, nna, o ile ka Mmušong wa Modimo, o ntšhitše bakgethwa ba ba thopilego go tšwa kua! O be a le phenyo ye e feletšego, phenyo ye e feletšego. O tlišitše ntle bagale bohole ba ba hwilego. O tsheditše Abraham ntle, Isaka, Jakobo, Jobo, bohole ka moka ga bona, o ba ntšheditše ka ntle ga lebitla le Yena.

²⁴⁷ O swere. Le a bona, O tlide lefaseng, O swere lehu. O swere hele. O swere lebitla. O swere se sengwe le se sengwe. Gomme bjale O a tsoga, amene, le bakgethwa ba Gagwe le Yena.

²⁴⁸ “Bjale O rotogetše Godimo gomme a fa dimpho morago go batho.” E be e le eng? Ditšhoša, o beile ditšhoša ka seatleng sa bona, Lentšu, le a bona, go fenya. Oo, nna! O ba fa ditšhoša, (bakeng sa eng?) Lentšu, go fenya eng? Bolwetši, sebe, ditumelokhwele, bobe, go tliša sebopiwa se sengwe le se sengwe se se phelago se se nyakago go phela, go tliša yo mongwe le yo mongwe wa bona go temogo, gore, “Ka gore Ke a phela, le tla phela le lena.”

²⁴⁹ Re na le ntwa ya tumelo. A re lweng ye botse . . . Re feleletša phenyo ya rena, ka gore phenyo ya rena ye e feletšego e phosithifi. Ke ya nnete. E swanetše go ba. Re na le dithakangwaga tša yona. Re na le bohlatse bja yona ka pelong ya rena bjale, ka baka la gore re šetše re na le ntwa ya pele ka morago ga rena. Re kgonne go fenya, ka Tumelo ya Jesu Kriste. Re bile le letšatši la-P.

²⁵⁰ Ke elelwa tlase kua, gore e ka ba ka iri ya lesome bošegong bjo bongwe, goba ge ke be ke le tlase fale ka go karatšhe yela ye nnyane ya kgale, ke rapela, “Modimo, mpolaye goba o mphološe.” Ke ile dikerekeng. Ba nyakile ke tle godimo le go šikinya diatla le moreri.

Ke rile, “Ke nyaka se sengwe go feta seo.” Le a bona?

²⁵¹ Nako yeo ka karatšheng yela bošegong bjola, ge ke rile, “Modimo, nka se kgone go ya pejana go itšego. Ke—ke tla hwa.” Gomme ge ke be ke le kua ka go wola wa kgale, moago wa go koloba, le matolo a ka . . . Ke be ke khunamile go mokotla wa bjang wa kgale, ka diatla tša ka godimo, ke re, “Modimo, ga ke tsebe ke bolele bjang, Morena.” Ke be ke nyaka go Mo ngwalela lengwalo, go Mo kgopela gore a ntebalele. Ke be ke sa tsebe mokgwa wa go rapela. “Ke nyaka go lebalelwā.”

²⁵² Ke tshepišitše seo ge ke be ke ehwa mo malaong. Gomme O ntumeletše... Ge ngaka e šetše e mphile, pelo ya ka e be e rethetha feela makga a lesomešupa go motsotso. Gomme le tseba ka fao yeo e bilego go nokologa. O rile, “O a hwa,” gomme ke e kwele. O boditše papa wa ka, le go goga digaretene go ntikologa. Gomme fale ka kamoreng yela, iri yela, ke bona tšona diJ tše kgolo di etla gohlegohle; garetene yela e be e le go ntikologa, ka mokgwa *wola*. Ke kwele mooki yola a lla, a re, “Ga se selo eupša segotlane,” le a bona, “gomme šo o a ya.” Seedibatši sa mongetsana se be se dutlile go kgabola le go tsena ka pelong ya ka. Le a bona? E be e no rethetha makga a lesomešupa ka motsotso.

²⁵³ Ge ke fihla gae, ke ile ka swanela go netefatša seo, gore ke—ke ratile Modimo. Gomme ke—ke ile tlase kua lebatong lela. Ke rile, “Ga—ga ke tsebe ke rapele bjang.” Gomme ke—ke be ke tla kgema lenala la mogogrupo wa ka. Ke naganne, “Mohlomongwe... ke bone diswantšho. Ke tla phuthile diatla tša ka ka mokgwa *wo*, ka bea menwana ya ka mmogo.” Ke rile, “Morategi Mohlomphegi, ke rata go bolela le Wena.” Ke tla theetša. Ke rile, “Ga ke Go kwe.” Ke rile, “Ke phuthile diatla tša ka go fošagala. Mohlomongwe ke swanetše go e dira ka mokgwa *wo*.” Ke beile wa ka... Ke rile, “Morategi Mohlomphegi, ke... Jesu Kriste, ke tla rata go bolela le Wena.” Ke rile, “Mohlomphegi, ga ke Go kwe. Nkarabe. Ke kwele batho ba bangwe ba re, ‘Modimo o boletše le nna.’ Bjale ke nyaka go boledišana se le Wena. Ke Go tshepišitše ke be tla se dira. Ke nyaka go se boledišana. A ka kgopelo O ka tla gomme wa bolela le nna, Mohlomphegi?” Ka gopola, “Aowa, ga ke sware diatla tša ka gabotse, goba O tla bolela se sengwe.” Ke be ke sa tsebe mokgwa wa go e dira. Ga se ka tsoge ka rapela ka bophelong bja ka. Ke be ke sa tsebe ke dire eng; mokutwana wo monnyane wo wa kgale.

²⁵⁴ Letšatši le lengwe, nako yeo, ke naganne se. Ke naganne, “Go ya ka Mangwalo, bjalo ka ge ke kwele e balwa, O be a le Motho. Gomme ge A be a le Motho, O kwešiša bjalo ka Motho.” Yeo ke nnete. “Gomme bjale, ga ke tsebe ge eba O a nkwa.”

²⁵⁵ Diabolo o rile, “Gobaneng, o dirile sebe go tloša letšatši la gago la mogau. Ga go sa le gona gape. O a bona, o be o le swele kudu, go fihla A ka se go lebalele.”

²⁵⁶ Ke rile, “Ga ke dumele seo. Ke no se kgone go se dumela. Ke a dumela O tla bolela le nna.”

²⁵⁷ Ke rile, “Mohlomphegi, ga ke tsebe ge eba ke dira phošo, ge eba ga ke ne diavla tša ka di phuthilwe gabotse, goba e ka ba eng e lego, O—O ntshwarele bakeng sa yona. Eupša ke nyaka go bolela le Wena.” Ke rile, “Ke nna legwaragwara la fasefase ka lefaseng.” Ke rile, “Nna, ke dirile dilo tše tšohle, gomme—gomme

ke kitimile go tšabelo go Wena, le tšohle,” ke ile pele ke bolela ka mokgwa woo.

²⁵⁸ Gomme selo sa pele le a tseba, ge ke be ke bolela, go kgabaganya kamora go tlie Seetša se sennyane, gomme sa ya godimo ka lehlakoreng la leboto, gomme sa bopa sefapano sa Seetša, Seetša sela, gomme sa thoma go bolela ka leleme. Ga se ka ke, ga se ka ke ka tsoge ka kwa selo se sebjalo bjalo ka go bolela ka maleme; ebile ga se ka ke ka bala Beibele; ke be ke lebelela Jakobo 5:14 ka go Genesi. Ke be ke lebeletše godimo kua, gomme ke bone Seetša sela, gomme Se be se bolela mohuta tsoko wa leleme. Morago Sa tloga.

²⁵⁹ Gomme ke rile, “Mohlomphegi,” ke rile, “Ga—ga—ga ke tsebe selo ka bophelo bjo bja Bokriste.” Ke rile, “Ge—ge yoo e be e le Wena a bolelago le nna, ga ke kgone go kwešiša leleme la Gago, Mohlomphegi. Eupša ge O ka bolela... Gomme ge O sa kgone go bolela leleme la ka, o a bona, gomme ga—ga ke kwešiše la Gago, eupša a re ka kwešišana seng sa rena ka mokgwa wo: ge O ka no tla morago kua gape, leo e tla ba leswao gare ga ka le Wena, gore O a ntshwarela.”

²⁶⁰ Sesele Se bile fale gape. Oo le bolela ka letšatši la-P? Ke bile le le tee, ee, letšatši la-P la kgonthe. Sesele Se bile fale gape, se bolela ka tsela ya go swana. Gomme ke bile le letšatši la-P. Oo, nna!

²⁶¹ Gomme ge e sa le go tloga nako yeo, ge A beile Lentšu ka seatleng sa ka, ke lwele go thopa sefoka, go sesa go kgabola mawatle a madi.

²⁶² Bohle re na le phenyo. Re lwele go kgabola diphenyo tše ntši. Gomme phenyo ye kgolo e a tla feela ka pela, thwi go dikologa khona. Letšatši la-P la rena la go felela le tla ba ka pela, ge Morwa wa Modimo a tla kgeila mafaufau, le go goelela ka Segalontšu sa Morongwamogolo, gomme O tla tla gape. Gomme mabitla a tla bulega, gomme bahu ba tla sepelela ntle.

²⁶³ Ke a nagana le raloka ditheipi tša ka tlase fa, tša pono ye ke sa tšwago go ba le yona, goba photolelo, eng kapa eng e bego e le yona, ka kamoreng; le go ya godimo kua le go bona batho bale, go no swana le ge ke le bona, Beibele ye e robetše e bullegile mo pele ga ka. Gomme Modimo o a tseba yeo ke therešo. Le a bona? Ba be ba le ba baswa kua, feela go swana gomme, go swana le...

²⁶⁴ Lena bohle le bile ka dikopanong, gomme le a lemoga, dipono tšela. A le kile la bona e tee e šitwa? Aowa, mohlomphegi. Feel a e se kgale O nthometše ntle fa go e tee, o mpoditše se se diregilego. Lena bohle, lena bohle, le tseba ka ga yona. E ile thwi. E be e le thwi fale, feela tlwa. Ga e tsoge ya šitwa.

²⁶⁵ Gomme ke a le botša, bjalo ka sehlopha se sennyane sa Bokriste se dutšego fa mosong wo, swarelelang go seatla sa Modimo sa go se fetoge. Le bile le phenyo ya lebakanyana. Eupša go tla letšatši la-P la kgonthe, ka go felela, ge Jesu a tla tla.

²⁶⁶ “Gomme phalafala e tla lla; ba ba hwetšego go Kriste ba tla tsoga.” Gomme ge o se ne kholofelo yeo ka go wena, o se dumelele letšatši le go feta ntle le go e hwetša.

²⁶⁷ Ke kwele se sengwe se sennyane, nakwana ya go feta, ke tla rata go bušeletša. Se tšwa go, ke a dumela, e bile Billy Sunday yo a dirilego tshwao. Go be go le mošemane yo a dirilego bosenyi. Ga ke tsebe ge eba le kile la kwa ka yona, goba aowa. O be a dirile bosenyi. Ba mo lahletše ka kgolegong, gomme ba be ba eya go... O be a le ka gare. Gomme kafao o bile le tsheko. Gomme—gomme moahlodi o rile...

²⁶⁸ Gomme lekgotla la baahlodi la tla ntle gomme la re, “Re hwetša mošemane molato wa bosenyi. Gomme rena,” lekgotla la baahlodi la re, “re kgopela bophelo bja gagwe.”

²⁶⁹ Gomme moahlodi o rile, “Ke—ke go ahlolela go hwa, o lekeletše thapong, go fihla bophelo bja gago bja go hwa bo sepetše. Gomme Modimo a be le kgaogelo go soulo ya gago.”

²⁷⁰ Gomme mošemane o ile a tšeelwa kgolegong, gomme a bewa ka kgolegong ya ka garegare, gore o be a tla swanela go dula fale go fihlela nako ye a bego a swanetše go hwa.

²⁷¹ Gomme bagwera ba tla go moahlodi, gomme ba rile, “Moahlodi, re thusitše go go kgetha ka toropongkgolo. Hle, hle, o se dumelele moisa yola yo moswa go hwa ka mokgwa wola.”

²⁷² Ke sa tšwa go tla go tšwa Texas, bakeng sa se sengwe, se sengwe boka seo. Lesogana le kgarebe, gomme Modimo o bolokile maphelo a bona. Ba be ba swanetše go hwa, e ka ba matšatši a mararo goba a mane ka morago ga fao. Ke a thanka lena bohole le bone lephethe, le be le na le nna godimo fale, gore ba bolokile maphelo a bona.

²⁷³ Kafao ba phophothile, le go phophotha, le go phophotha, batho, gore a ka se e dire. Kafao ka morago ga lebakana, ga mmušiši wa naga...

²⁷⁴ Mme, ka ntle ga mojako, letšatši le lengwe, o wetše fase godimo ga mojako, ka mokgwa *wola*, gomme a llela go tsena ka gare.

²⁷⁵ Gomme mafelelong monna a tla ka gare, a re, “Mmago mošemane yola, mmušiši, o—o ka ntle kua. O nyaka go go bona.”

Gomme mmušiši a re, “Mo tlišeng ka gare.”

²⁷⁶ Gomme mosadi, ka boikokobetšo, o abutše ka diatla tša gagwe le maoto, godimo go mmušiši, gomme a swara dieta tša gagwe, gomme o rile, “Mohlomphegi, yola ke ngwana wa ka. O se ke wa mmolaya. O se ke wa mmolaya. Ke yena a nnoši ke nago le yena. O se ke wa mmolaya.” O rile, “O be a sa re go dira seo. E no mo fa bophelo ka kgolegong. Eupša o se ke wa tsea bophelo bja gagwe, mmušiši.”

Mmušiši o rile, “Gabotse, ke tla ya tlase le go mmona.”

O rile, “Go lokile.”

²⁷⁷ Kafao mmušiši o ile tlase go woto mo a bego a le gona, gomme ba ile ka gare. Mošemane o be a nyaka go ba le manganga. O rile, “O na le yo mongwe go go bona.”

²⁷⁸ Gomme mmušiši a ya ka gare, a re, “Lesogana, ke rata go bolela le wena.” O bile go ngangabala ka kgonthe, a no dula fase, a konopetšwe, ga se a ke a bolele selo. O rile, “Lesogana, ke nyaka o bolele le nna. Ke nyaka go bolela le wena.” Gomme mošemane o be a no dira mo o ka rego o be a bile a sa mo kwe. Gomme o rile, “Lesogana, nka go thuša ge o ka ntumelela.”

²⁷⁹ O rile, “Etšwa ka fa. Ga ke nyake go kwa selo o swanetšego go se bolela.”

O rile, “Gabotse, morwa . . .”

²⁸⁰ O rile, “Homola. A ga o bone ke tšhogile? Ga ke nyake go kwa lentšu le tee o yago go le bolela.”

O rile, “Gabotse, ke tla . . .”

O rile, “Etšwa ka mo seleng ye.”

Kafao o sepeletše ntle. Ba tswaletše mabati.

²⁸¹ Kafao ge a sepeletše morago, mothaka, le—le lephodisa ka wotong, mo mojako, le rile, “Ke wena motho wa lešilo kudukudu.”

O rile, “Ke mang mokerenko wola, go le bjalo?”

O rile, “Yola e be e le mmušiši wa naga.”

²⁸² O rile, “Aowa, e sego mmušiši. Monna a nnoši yo a ka kgonago go ntshwarela, gomme ke mo raketše ka ntle ga sele ya ka. Monna a nnoši yo a ka kgonago go saena tshwarelo ya ka, gomme ke mo raketše ka ntle ga sele.”

Ge mmušiši a ile ka ntle, a re, “O dirile kgetho ya gagwe.”

²⁸³ Kafao, selo sa mafelelo mošemane a se boletšego, ge ba bea seapešasefahlego se seso godimo ga sefahlego sa gagwe, go mo lekeletša, ge ba gogetše thapo godimo go swinelela, ba bea seapešasefahlego godimo ga gagwe, o rile, “Naganang ka yona. Mmušiši o eme ka seleng ya ka gomme a ka be a ntebaletše ge nkabe ke se ka mo rakela ntle.”

²⁸⁴ Re tseba bjang, mosong wo, gore Mmušiši ga se a ema go sele ya rena mosong wo? O se Mo gane, ge o se wa ke wa tsoge wa amogela tshwarelo go tšwa go Yena. E sego feela Mmušiši, eupša Kgoši, Yena a nnoši Yo a ka kgonago go go lebalela, A ka no ba a eme seleng ye nnyane yela yeo o bego o phela ka go yona lebaka la nako ye telele. Gobaneng o sa no Mo dumelela ka gare, ge o se wa—o se wa e dira, ge o se wa dira go ineela ka go felela go Yena?

²⁸⁵ Letšatši le lengwe, o tla hwetša gore tsela ye nnyane ye ya go kokobela, ye o ka naganago e no ba sehlopha sa go se hlamatsege, sehlopha sa batho ba ba sa tsebego se ba bolelago ka sona, o tla

hwetša, Mmušiši o mo mosong wo. Ge o na le tlhoko, ge o le ka go sele ye nnyane ya bolwetši, o sa kgonego go tšwela ka ntle ga yona, Mmušiši o mo. Mmušiši wa lefase, O lokile, gomme O tla go ntšhetša ka ntle. O tlide. O saenne tshwarelo ya gago. O no nyaka go go fa yona, mosong wo. O se ke wa e gana.

A re inamišeng dihlogo tša rena motsotso.

²⁸⁶ Ge o nyaka phenyo ya kgonthe bjale, ka hlogo ya gago e inamišitšwe, gobaneng o sa ineele le go dumelala Mmušiši wa naga, go dumelala Mmušiši a saena tshwarelo ya gago mosong wo? O komana go go ntšhetša ntle; go go ntšhetša ntle go tšwa sebeng, go go ntšhetša ntle go tšwa go gosedumele, go go ntšhetša ntle go tšwa bolwetšing, go go ntšhetša ntle go tšwa go e ka ba eng o e nyakago. O e dire ge re sa rapela.

Bjale rapela ka tsela ya gago mong. O bolela le Yena. O a bona?

²⁸⁷ Mohlapetši o be a ka be a ka kgona go bolela le mmušiši. Seo se be se ka se dire botse bjo bo itšego. Le a bona? Mošemane o be a swanetše go bolela le mmušiši. Le a bona?

²⁸⁸ O swanetše go bolela le Mmušiši. Ge o babja, bolela le Yena. Ge o dirile sebe gomme o dirile phošo, bolela le Yena. O na le tshwarelo go wena.

²⁸⁹ Tate wa Legodimong, re leboga kudu. Gomme nna, Morena, ke Go kolota kudu. Ga go tsela ye ke bego nka tsoge ka kgona go lefa sekoloto sa sebe sa ka. Ke be ke le ka seleng letšatši le lengwe, ka gore ke tswetšwe ka seleng yeo. Ke tsebile seo—seo tokologo e bego e se ra. Gomme poreisi e be e le ye kgolo kudu, ke be ke sa kgone go e lefa. Eupša ke thabile kudu gore, letšatši le O etelago sele ya ka, ke e lemogile, gore e be e le Yena a nnoši a bego a ka kgona go lebalela. Tsela e nnoši ke bego nka kgona go tsoge ka lokologa, le go ba le phenyo, phenyo ye e feletšego, e be e le go amogela tshwarelo yeo O bego o ntshaenetše yona. Gomme lehono ke lokologile.

²⁹⁰ Ke thabile kudu, Morena. Ke eta go tloga ntlong ya kgolego go ya ntlong ya kgolego, go tloga go bao ba nago le dikgakgano tša lenyalo, bao ba babjago le go ba le letadi, bao ba babjago le ka go ba ka kgolegong, bao ba lego badiradibe le go ba ka kgolegong, bao ba gakanegilego, le go kamaka, le go ba ka kgolegong. Ke ya go tloga go sele go ya go sele, go ba botša, Mmušiši o tla thwi mmogo, go lebalela yo mongwe le yo mongwe, go ntšhetša yo mongwe le yo mongwe ntle.

²⁹¹ Tate, O tseba pelo ya batho fa lehono. A nke le e be letšatši la-P, letšatši la-P go felela. A nke le e be letšatši leo ge yo mongwe le yo mongwe, Morena, lehono, a tla amogela phenyo. E fe, Morena.

²⁹² A nke motho yo mongwe le yo mongwe a babjago a fodišwe, yo a lego ka moagong wo lehono.

²⁹³ A nke lehlakore le la morago la leganata e be nako ya gore ge Segalontšu sa Modimo se tla bolela ka mo—mo mollo wo o tukago wa tumelo. O Modimo, mollo wola wo monnyane o tukago fale, wa tumelo, kholofelo yela ye nnyane yeo e tukago, a nke Segalontšu sa Modimo se bolele ka yeo, go mogolegwā yo mongwe le yo mongwe mosong wo, le go re, “Ke tlile lehono go go lokolla.” Go ka ba mošemane goba mosetsana, monna goba mosadi, mo, Morena, ba ba sa Go tsebego bjalo ka Mopholoshi wa bona, a nke Segalontšu se sennyane sela se bolele, tumelo ye nnyane yela, Segalontšu se bolele bjale gomme se re, “Ee, ke a dumela gore Modimo o gona. Ke a dumela gore Yena ke se sengwe le se sengwe seo ba rego Yena ke sona.” Gomme, Morena, a nke tumelo ye nnyane yela e ba lokolle gonabjale. E fe, Morena.

²⁹⁴ Ba šegofatše. Šegofatša Ngwanešu Isaacson fa, Morena. Re rata lesogana le le mosadimogatša wa gagwe, bana ba gagwe ba bannyane. Šegofatša kereke ye nnyane, O Modimo. Gore, re ba thabetše kudu, re thakgetše kudu go bona gore ba ne tlhaka ka godimo ga hlogo ya bona fa, le lefelo ka fa. O ba loketše kudu, Morena. Gomme re Go leboga kudu. A nke ka mehla ba dule ba kokobetše le bose, ka Bogoneng bja Modimo.

²⁹⁵ Šegofatša mosetsebje yo ka kgorong ya renā. Šegofatša moeti, Morena. Re a rapela gore O tla ba le bona. Gomme ge ba se ba ke ba amogela phenyo ye ya go felela, go fihla moo ba ka kgonago go re “amene” go Lentšu le lengwe le le lengwe Modimo a le bolelago, gona, Morena, a nke tumelo ya bona mosong wo, yeo ba nago le yona ka go Wena, e feleletše Lentšu le lengwe le le lengwe ka “amene.” E fe, Morena.

²⁹⁶ Re šegofatše mmogo. Lokolla balwetši, le batlaišwa. Hwetša letago go Wenamong.

²⁹⁷ Gomme, morategi Modimo, a nke re se tshwenyege bjale ka morago ga se, gomme re elelwē gore meleko ye le dilo di tla godimo ga renā, di dirwa feela gobane Modimo o a re rata. O re fa yona, gobane O ne boitshepo ka go renā. O dumela gore re tla... . gore re ne tumelo le lerato bakeng sa Gagwe, gore re tla kgona go fenyā. O tla e hlokomela. Gomme a nke re se tshwenyege le—le go kgorometšana ka yona. A nke re no sepelela godimo kua gomme re bolele Lentšu, gomme re sepelele pele. Mawatle a tla bulega. Letšatši la-P le tla tla. E fe, Morena. Gomme a nke le e be le lengwe la matšatši a-P a magologolo a nako ya renā. Re šegofatše go fihla re kopana mmogo gape, Leineng la Jesu Kriste. Amene.

²⁹⁸ Ke nyaka go bolela se, feela pele ke swanetše go ya. Ke na le iri le seripa bjale, go ya Tucson. Ka nnete ke go otlela go gonnnyane. Eupša ke nyaka go bolela se, gore ka kgonthē ke ipshinne ka go ba mo le go ikwela tumelo ye—ye yeo le nago le yona. Le se tsoge la tloga go yeo. A nke mollo wola wo monnyane wola o tšwelepele o tuka le go tuka. Gomme elelwang, Modimo o bolela ka go mello yela ye mennnyane.

²⁹⁹ Ngwanešu Isaacson, ke—ke no se tsebe mokgwa wa go e hlagiša, go leboga bjang, gore o kgonne go tla godimo mo le—le go swara se—se sehlopha mmogo. A nke Modimo, ngwanešu wa ka, ka mehla a dule a go fa maatla go tšwelapele. Gomme go lena batho ba le tlago go kwa, a nke Modimo a dule a le fa maatla, maatla a Makgethwa, go le swarelala. Bjale ge . . .

³⁰⁰ Ke a thanka le na le go šwalalana go gonnanyane ga go itlhophoa mo dinakwaneng di se kae, ka tsela, Ngwanešu Isaacson. Ke tla retollela tirelo go yena.

³⁰¹ Gomme ge go na le e ka ba mang wa lena mo, yo a nago, yo a bego a ithuta ka kolobetšo ya meetse Leineng la “Jesus Kriste” sebakeng sa dithaetlele tša “Tate, Morwa, Moya wo Mokgethwa,” modiša wa rena yo monnyane mo, o mo komana, go thaba go dira seo, go neela kolobetšo. Ge go ne mathata e ka ba afe pelong ya gago, o tla rata go yena go rapela go kgabola le wena, o thwi fa go e dira. Gomme ke . . . go se fete go mo tseba, le—le go kopana le yena, le go dula le yena, le dilo, wo mokaone, wo bonolo, moyo wo monnyane wa Bokriste o hwetšwa ka go ngwanešu yo monnyane. Gomme—gomme ke na le nnete gore Modimo o kwa thapelo ya go swana le yeo.

³⁰² Go be go le mokgalabje yo a bego a phela ka nageng ya rena, a bitšwago Hay. O be a le mokgalabje yo mogolo. O be a le . . . Nako ye nngwe le ye nngwe mang kapa mang . . . O be a kokobetše le boleta. Eupša, gomme ba bangwe ba bona ba naganne o be a no ba mokerenko wa bodumedi goba se sengwe. Eupša, le a tseba, ge e ka ba mang a ka babja, ba be ba bitša motšofe Papa Hay go tla go ba rapelela. O be a se mokerenko le gatee nako yeo. O be a no ba monna wa kgonthe. Gomme lešole lela la kgale . . .

³⁰³ Mohlokamodimo o be a dula godimo ntlhoreng ya thaba kua, o be a na le polasa. O be a le mogwera wa papa wa ka. Tate wa ka o be a enwa. Ke lewa ke hlong go e bolela. Eupša, therešo ke therešo, le a tseba.

Beibele ke selo se tee seo se bolelago Therešo. Le a bona?

³⁰⁴ Bjale, re na le puku e bitšwago histori; e rile George Washington ga se a ke a bolela maaka. Ke belaela seo. Ke belaela seo. Ee, mohlomphegi. Ke nna . . . Ga—ga—ga ke dumele seo. Segotlane se ka kgonna go tla godimo . . . “O tswaletšwe sebeng, wa kgolokelwa bokgopong, wa tla lefaseng o bolela maaka,” go bolela Beibele. Kafao ke—ke belaela ntlha yela ya histori ya George Washington. Eupša e bolela feela lehlakore le lebotse la motho.

³⁰⁵ Beibele e bolela bobedi lehlakore la batho. Loto e be e le monna wa go loka tlase ka Sodoma. “Dibe tša toropokgolo di tlaišitše soulo ya gagwe ya go loka.” Eupša ga se Ya šitwa go bolela gore o phetše le morwedi wa gagwe mong gomme o bile le ngwana, go le bjalo, le a bona. E bolela bobedi bja mahlakore a yona. Kafao re swanetše go bolela mahlakore a mabedi.

³⁰⁶ Tate wa ka, a enwa, o be a kitima le mohlokamodimo yo. Gomme o be a tla sega mokgalabje yo. Ka mehla o be a dira metlae ka yena. “Motšofe Pop Hay,” re mmitša, “Papa Hay,” e no ba ntikodiko ye nnyane ya moriri. O be a le moreri wa kgale. Gomme ba be ba nyaka pula nako ye nngwe. Mabele a bona a be a eswa. Gomme ba tlide go kereke ye nnyane, e sego bontši go feta ye, e bitšwago Little Oppossum Kingdom, morago fale ka Kentucky. Gomme ge ba ile godimo kua, ba re o rile . . .

³⁰⁷ Yena, motšofe Papa Hay, o bile le polelo. O be a tla re, “Morategi, šegofatša soulo ya ka.” Yo monnyane, moisa wa go kokobela, o be a namela pere ya kgale, moreri wa sediko wa kgale. Gomme ba be ba mo lefa mohlomongwe ka serotwana se tletše lefodi la go omelela, le a tseba, le e ka ba eng gape ba bilego le yona, le a tseba, le krisi tsoko goba se sengwe. Yeo, le a tseba, yeo ke tsela ye ba bego ba lefa bareri ba sediko ba kgale. Bontši bja lena batho fa le elelwa bareri ba sediko ba kgale ba Bohlabela.

³⁰⁸ Gomme letšatši le lengwe mabele ohle a be a eswa. Gomme motšofe Papa Hay o rile, “Gabotse, morategi, šegofatša soulo ya ka.” Ka morago ga ge a bile le tirelo ye nnyane boka ye. O rile, “Ge e ka ba mang wa lena bohole a nyaka go šala le go rapelela pula, gore Modimo o tla boloka mabele a lena,” o rile, “šalang le nna.” Gomme kereke ka moka e šetše thwi le yena.

³⁰⁹ Pop, ka ntle, o ile godimo, feela moisa yo moswa, o rotše sala go tloga go pere ya gagwe, a e bea—a e bea ka tlase ga kereke, gobane o tsebile e be e eya go na.

³¹⁰ Mokgalabje yola o ile tlase aletareng. Ebile o be a sa tšwe matolong a gagwe. O rile, e ka ba iri morago ga fao, o kwele lešata. O lebeletše go dikologa. Leru le lesu le be le etla go putla thaba. E be le le fao. Le a bona?

³¹¹ Mohlokamodimo, magareng ga mogwera wa papa yo a dirilego metlae ka moreri wa kgale, ge a ehwa, ba ile ba swanela go mo swara malaong. O swerwe ke mohuta wa letadi la letšollo. Bontši bja lena batho ntle fa ka kgonagalo le be le ka se tsebe se e bego e le. Oo, ke selo sa go šiiša. Gomme o lwele le bodiabolo lebaka la diiri ka morago ga diiri, lebaka la matšatši a mararo goba a mane. O be a tla re, “Charlie, Charlie.” Yoo e be e le tate wa ka. O rile, “O se mo dumelele go nkhwetša. O se mo dumelele go nkhwetša. A ga o mmone a dutše fale ka lehlakoreng la malao ale fale, ka tšona diketane di tateditšwe go mo dikologa? O se mo dumelele go ntlema ka tšona. Oo!” O goeleditše. Gomme ba be ba tla mo swara, banna ba bane goba ba bahlano ba mo swara malaong, pele a eba komana go hwa.

³¹² Morago ka Kentucky, ba be ba na le mafego a kgale go bapa le thoko ga leboto moo ba bego ba lekeletše diaparo tša bona. E ka ba mang a kilego a bona ntlo boka yeo, moo ba beilego mafego?

³¹³ Gomme o be a na le lumpa ya gagwe ya kgale e lekeletše godimo kua. O rile, “Charlie, go na le phaente ya wisiki ka potleng ya ka. Eya, e fe digotlane tša ka.”

³¹⁴ Gomme mosadimogaša wa gagwe, Mokriste, ntle ka moraleng, a lla, a apea matena. O rile, “Ke be nka se kgone go dira seo.”

³¹⁵ Gomme ba mo swere malaong go fihla a ehwa, a elwa le bodiabolo go tloga go yena.

³¹⁶ Ge motšofe Papa Hay, yo a mo segilego, ge a loketše go hwa, e ka ba seswai tlhano, bogolo bja mengwaga ye masomesenyane, o ile go robala. Gomme bana bohole ba kgobokane ka gare. Ditlogolokhukhu khukhu khukhu tša gagwe tše di godilego di kgobokane go dikologa malao. O phagametše godimo. O be a ne maledu a mašweu, le a tseba, ntkodiko ye nnyane ya moriri wo mošweu go dikologa hlogo ya gagwe. Eng... Ntlhora ya hlogo ya gagwe, ya lefatla. O šisintše maledu a gagwe, a re, “Morategi, šegofatša soulo ya ka.” O rile, “Lena bohole le naganne motšofe Papa Hay o be a hwile, a ga se le?” O rile, “Gabotse, nka se hwe.” O rile, “Ke hwile mengwaga ya go feta.” O rile, “Ke no ya go kopana le Morena Jesu.” O rile, “Oo, ke ye kgolo kudu!” O rile, “Lena bohole, bana ba ka, kgobokanang go dikologa malao.” O tšere, go tloga go yo mogologolo go ya go yo monnyannyanne, ka seatla, gomme a ba šegofatša.

³¹⁷ Morago o rile go bašemane ba gagwe ba babedi ba bagologolo, o rile, “Ntsošeng.” Gomme ba mo tsošitše malaong. O be a sa kgone go swara seatla sa gagwe godimo. O be a fokola kudu.

³¹⁸ O rile go mošemane yo mongwe wa gagwe, o rile, “Phagamišetša seatla sa ka godimo.” O phagamišeditše diatla tša gagwe godimo, ka mokgwa *wola*.

³¹⁹ O rile, “Letšatši la lethabo, letšatši la lethabo, ge Jesu a hlatswitše dibe tša ka. O nthutile mokgwa wa go šetša le go rapela, le go phela ke thakgetše letšatši le lengwe le le lengwe.” A inamiša hlogo ya gagwe gomme a tloga.

Gabotse, re swanetše go tla go bjo bongwe bja mafelelo ao.

³²⁰ Ke thabile le na le yo monnyane, monna wa go kokobela boka yo go le dikologa, yo le nago le boitshepo ka go yena. Mo dumeleng; Modimo o tla šoma mehlolo bakeng sa lena, magareng ga lena.

³²¹ Gomme ke nyaka go kgopela kereke ye nnyane ye se sengwe bakeng sa ka. Nthapedišeng, a le tla? Ke nna yo mongwe wa bana ba bo lena, le nna. E sego le lena nako yohle; ke nyaka go ba. Le hwetša ditheipi le dilo ka fa. Gomme ke ntle mo lepatlelong le legolo la ntwa. Ye e no ba ye nngwe ya dikota moo re šeditšego go Tla ga Morena. Nthapedišeng, gobane ka kgonthe ke hloka

dithapelo tša lena. Ke tshepetše go yona, makga a mantši, ge ke itia mafelo a mathata, gagolo ka mašemong a šele.

³²² Gomme go na le dingakabaloj, le se sengwe le se sengwe, dikete atiša ka dikete di eme fale, go go hlohla, gomme o sepelela ntle kua, o nnoši, oo, bokaonana o tsebe se o bolelago ka sona. Oo, nna! Ge, ba ka kgona go dira eng kapa eng. Ba ka kgona go no ekiša eng kapa eng se Modimo a nago naso, go nyakile. Ba kgona, go no swana le Jannes le Jamboro, uh-huh, ba ka kgona go ekiša eng kapa eng Modimo a nago nayo mo.

³²³ Ka gona ke a elelwa, ke nagana ka se sennyane, sehlopha sa go botega. “Ke nako mang, ya letšatši?” Moragorago ka lehlakoreng la morago la leganata kua, ntentle, ga lefelo le lennyane la kgale le bitšwago Sierra Vista, le a bona, kopano ye nnyane ya thapelo e a kgatlampana e ka ba ka nako ye. Le a bona? Moragorago, godimo ka lehlakoreng le lengwe la thaba, godimo kua ka kampeng yela ya kgale ya kgomo, felotsoko ka mokgwa woo, ba a rapela.

³²⁴ Nako yeo ke sepelela ntle, ke re, “Ke khupeditšwe ka thapelo. Sathane, o ka se kgone go dira selo go nna. Ke tla Leineng la Morena Jesu.” Le a bona, se sengwe se a direga.

³²⁵ Le nthapedišeng. A le tla dira seo bjale, lena bohole? [Phuthego e re, “Amene.”—Mor.] Amene.

Ngwanešu Isaacson, etla fa.

³²⁶ Le a tseba, ke duma ge nka—nka kgona go gomarela go dikologa mo, le go ya gae le yo mongwe le yo mongwe wa lena le go ja matena. Go ntšea nako ye telele. Gomme ke a tseba lena banna le nagana gore le na le baapei ba bakaonekaone lefaseng. Ntle le go kamaka eupša ba le nago nabo. Le a bona? Gomme ka nnete ke be ke tla rata go dira seo. Eupša nka—nka se kgone go se dira lehono. Lena bohole le kwešiša seo, a ga le? Lena, le a dira, gore nka se kgone go e dira gonabjale. Ke ka go ngangego ye kgolo fa, mo nakong ya bjale. Ke nyaka go tla tlase le go ba le kopanelo ye nnyane le lena. Ke nyaka go tla morago gape, le nna, go tla morago le go ba le lena. Modimo a le šegofatše.

³²⁷ Bjale, Ngwanešu Isaacson, tšea taolo, eng kapa eng Morena a nyakago o e dira.

³²⁸ Bjale, ge go na le e ka ba mang wa lena yoo a ka ratago go tla fa, yoo a sa nkago a dira boineelo go Jesu Kriste, gomme o nyaka go tla fa le go ema fa mosong wo, thwi go bapa le phuluphithi ye, moo Ngwanešu Isaacson le nna re emago, gomme o nyaka go rapelelwa, o nyaka re rapele gore Modimo o tla go pholosa, a o tla tla bjale? Gomme, wena, o tla ba le phenyo ye e feletšego lehono. Ge o ka . . .

³²⁹ Ge go na le e ka ba mang wa lena yoo a kgelogilego gomme a ile kgole go tloga go Modimo, gomme a sa tsebe—a sa tsebe, o lahlegetšwe ke kopanelo yela, boka mohumagadi yola yo

monnyane bošegong bja go feta. Oo, leswiswi le kgobokana ge o tloga go Modimo. O tseleng ya leraga. O tlamegile go lahlegelwa. Gomme ge o se na le phenyo yela o swanetšego go ba le yona, a o ka se tle, le wena? Ye ke phenyo ye e feletšego. Le e ka ba letšatši la-P go wena, go dilo tšohle tša lefase.

³³⁰ O re, “Ke bile le meleko ye mentši kudu, Ngwanešu Branham. Ke sa tšwa go gogwa go tšwa pilareng go ya koteng.” A ga se ka no go botša gore yoo ke Modimo, gobane O go tshepile? O ka se Mo šitiše, a o tla? O ka no ba o wele. O ka no ba o dirile phošo. Eupša o ka se Mo šitiše, a o tla? O tla tsoga gape, bjalo ka lešole la nnete, wa swara Tšoša, gomme wa tla pele gape. Re tla thaba go dira seo. Nnete.

³³¹ Gomme ge go se bjalo, Ngwanešu Isaacson o tla tšwelapele go go bolelala nako yeo.

³³² Ge le ka ntshwarela bjale, gomme nka kgona go ya, go ya morago Tucson. Ke tla ba morago go le bona gape, Morena ge a rata. Modimo a le šegofatše. A le ka nthapediša bjale? [Phuthego e re, “Amene.”—Mor.]

³³³ Elelwang: Phenyo ya go felela, gomme dira tsepamo ya gago e tee godimo ga Jesu Kriste. O a swana maabane, lehono, le go ya go ile. Gomme letšatši le lengwe, ka leihlo la gago le lebelela botee, O tla tla go tšwa leratadimeng ka Mokgoši, Segalontšu sa Morongwamogolo. Bahu ka go Kriste ba tla tsoga. Gomme mebele ye ya go hwa e tla tšea go se hwe, gomme re tla ya go ba le Yena go ya go ile. Go fihla nako yeo, šetšang gomme le rapele. Modimo a le šegofatše.



LETŠATŠI LA PHENYO NST63-0421
(Victory Day)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Aporele 21, 1963, ka Kopanong ya Ntlo ka Sierra Vista, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org